

臨川集


內制
外制

四十五之五十二

漢書門			
一	二	三	四
冊	架	函	號

內閣文庫			
三	一	二	漢
五	七	三	書
函	二	一	
架	冊	號	類

內閣文庫		
番號	漢	11731
冊數	12(6)	
函號	315	77





臨川先生文集卷第四十五

内制冊文表本青詞

淺草文庫

郊祀 昊天上帝 皇地祇 太祖皇帝冊文三

道

朝享 聖祖大帝 仁宗 英宗皇帝冊文三道

皇后冊文


先天天貺降聖冬至節内中露香表四道

南郊青城 皇帝問 太皇太后皇太后聖體表

太皇太后皇太后回荅 皇帝問聖體書

寒食節起居永定諸陵諸后陵表二道

中元節八月一日起居諸后永昭陵表二道



十月一日永昭陵奏告 仁宗皇帝表

十月一日起居永安諸陵諸后陵表二道

冬至節上諸陵諸后陵表二道

寒食節上南京鳴慶宮等處 太祖諸帝表

中元節起居諸帝神御殿諸陵表二道

十月一日起居揚州諸帝神御殿表

冬至節上南京鳴慶宮等諸帝表

先天節奏告 仁宗皇帝表

南郊下元節奏告 聖祖太帝表

南郊禮畢 皇帝謝內中功德表

南郊禮畢奏謝 英宗皇帝表

真宗皇帝忌辰奏告永定陵景靈宮慈德殿表

集禧觀開啓為民祈福道場默表

鳴慶宮延祥觀崇先觀開啓 皇帝太皇太后皇

太后本命道場青詞四道

靈釐內殿西太一宮龍圖閣開啓太皇太后皇太

后生辰道場青詞四道

廣聖宮開啓 真宗皇帝忌辰道場青詞

福寧殿罷散開啓三長月道場青詞五道

福寧殿開啓南郊道場青詞

郊祀 昊天上帝冊文

伏以眷命作邦百年於此蒙休承福外內用寧施及冲人

嗣膺歷服燎裡有典稱秩惟時

郊祀 皇地祇冊文

伏以太報于郊有典咸秩厥作成物配天同功合食泰壇
義存一體猥以冲眇紹休前人繫承昭事不敢不察

郊祀配帝 太祖皇帝冊文

伏以命于帝廷肇造區夏掃除僭悖人以求寧陟配天郊
實存舊典靈承圭薦其敢忘初

朝享景靈宮 聖祖大帝冊文

伏以靈德在天實基皇命降依下土臨況後人方以眇躬
進承郊廟神遊所御獻享惟時庶幾顧歆永有蒙賴

朝享 仁宗皇帝冊文

伏以體道遵德寵綬目民休嘉垂延燕艾于後肆以寡時
稷承郊宮裸饋有儀敢忘用舊

朝享 英宗皇帝冊文

伏以靈德美行實兆初濟神民所歆實命自至祇紹考服
循而弗改用謚土宇以治神人登祔新宮歷茲嘉月燎裡
有舊祿享惟時

皇后冊文

維熙寧三年歲次己酉四月丁酉朔二十六日壬戌皇帝
若曰自昔有天下必擇建厥配以承宗廟以御家邦肆朕
受命奉循前列考慎典冊以祈協于神民咨爾向氏懿柔
淑恭舊有顯聞肇功惟祖弼亮帝室流德之澤覃延後嗣

是產碩媛比賢妻任越朕初載來嬪潘邸 饋在中率禮
無違以至嗣服祗承內事齋明夙夜用有曠失宜崇位號
表正宮庭今遣攝太尉推忠協謀同德佐理功臣樞密使
光祿大夫檢校太傅行尚書刑部侍郎上柱國東平郡開
國公食邑五千戶食實封一千戶呂公弼攝司徒朝散大
夫右諫議大夫叅知政事護軍太原郡開國侯食邑五千
一百戶賜紫金魚袋御史大夫持節冊命爾為皇后夫惟
興王隆厥士女咸自內始達于四海朕克勤人用弗怠朕
克儉人用弗奢朕克正人用無敢側頗僻爾勸朕相乃濟
登茲於戲匪初惟艱惟慎厥終爾忱念茲朕以求享天祿
爾亦豫有無疆之福豈不臚哉

先天節

皇帝謝內中露香表

伏以眩躬無似實膺駿命之休隆事有初敢葵靈承之舊
冀蒙僊聖俯監齋精

天貺節

皇帝謝內中露香表

伏以靈命告休嘉名紀節用露熏之故士酬乾施之至且
仰賴監觀俯垂歆祐

降聖節

皇帝謝內中露香表

伏以昊天錫命實佑永圖良月維時載臨嘉節率循故士
升薦至誠仰冀靈明薄垂庇貺

冬至節

皇帝謝內中露香表

伏以曲氣隨旋一陽來復仰瞻管昊祗薦芬香所冀百生

並蒙垂福

南郊青城 皇帝問 太皇太后皇太后聖体表

臣各言自宮祖郊夙夜祇事方此寒沍關於定省伏惟北口寢食宜加

太皇太后回荅 皇帝問聖体書

太皇太后致書于 皇帝奉祠郊官為國大事夙興夜寐固已勤勞地積節宣以膺禧福

皇太后回荅太廟 皇帝問聖体書

太后致書于 皇帝躬率群臣履息祖考孝思之至何自勝尚慎與君以深休福

寒食節起居承定陵宣祖諸陵等處表

伏以榆火戒時栢城在望薦豆遷之新物弗獲躬親象几席之平居實存 御蠲烝有舊罔慕無窮

寒食節起居諸陵昭憲等諸后表

伏以桐華伊始火令載嚴獲嗣慶圖仰蒙慈并追淑靈而貫康歷時存以增思

中元節三陵起居諸后表

伏以素秋伊始華月既盈物御氣以夷傷心感時而悽愴伏惟 尊謚皇后惠風無數慈範有詒猥以眇冲仰承裕惟瞻幽靈之所宅結永慕之至懷

八月一日承昭陵旦表

伏以暑往御時宵中應律載班秋朔申薦廟堂伏惟尊謚
皇帝體道成乾施仁應物率土方函於聖化賓天遽愴於
神游迫龍駕於空衢莫知所稅瞻鳴松之新隴但有至懷

十月一日永昭陵奏告 仁宗皇帝旦表

伏以月乘該閏時御閉藏歲回薄以將更物盛多而可享

恭惟 尊謚皇帝德符穹昊功濟黎元方求大隗之居遂

兆成周之葉光靈在 感惻交懷

十月一日起居永安陵等處諸陵表

伏以日星隨旋歲月從邁物更收攝之候人積悽愴之懷

恭惟 尊謚皇帝躬睿廣之材撫休明之運協九星而高

世道三后之在天方以壯躬嗣膺神器和感靈之如在感

氣序以增歎

十月一日起居永安陵等處諸后陵

伏以哀詞在疚未盡通喪弦晦如流載更良月恭惟尊謚

皇后降釐媿納播美河洲著慈範以如存流徽音而可想

溯陵水望感節深追

冬至節上諸陵表

伏以氣復黃宮畧移北陸物驗土灰之應宜修雲物之占

恭惟 尊號皇帝睿廣應期休明作又收功既往垂範方

來感時存之變流想威靈而慘結

冬至節上諸皇后陵表

伏以四時交御一氣潛萌慶雖屬於履長悲豈忘於追慕

恭惟 尊謚皇后升麗尊極協成休明德範有詒方美王
睢之誓容衣不闕尚瞻榆翟之華永想光靈詎勝摧感

寒食節上南京鴻慶宮等處 太祖諸帝表

伏以火禁肇修春祺溥被維是奉祭之禮適當濡露之時
恭惟 尊謚皇帝德協上穹功施後裔俵神鄉而弗返厥
聖像以如存緼慕威靈載懷感怵

中元節起居外州諸官觀 諸帝神鄉殿東

伏以夷則御辰商聲甫協望舒戒節陰魄既盈伏惟尊號
皇帝道邁往初息涵品庶於屬車之所御有原廟之舊儀
方此戒寒豈勝追遠

中元節起居諸陵表

伏以方秋厥初既月之皇昊天始肅繁露未晞伏惟尊謚
皇帝若昔大猷受天明命躬有靈德燕及後昆猥以眇躬
紹膺慶緒駿奔對越敬尊在天之新靡不有初敢廢靈承
之舊

十月一日起居揚州諸帝神御殿表

伏以徂歲如流甫更良月遺衣所御實有經祠方屬投題
仰承錫羨瞻威靈而如在歷時序以增思

冬至節上南京鴻慶宮等 諸帝表

伏以子位杓回黃宮氣應既兆天正之始方扶陽律之微
恭惟 尊號皇帝躋道邁仁膺時建極豫游所次館御如
存撫時序之變更仰威神而感惻

先天節奏告 仁宗皇帝表

伏以金氣御時高吉應律仰闕火流之速俯沾露降之溥
伏惟 仁宗皇帝功協聖謀道侔乾則垂至仁而不胃虞
實無窮感素節以深追悲何有極

南郊下元節更不於是靈宮朝拜奏告 聖祖

大帝表

伏以帝繫所元僊游如在載更令節當款殊庭以下禋祠
將陳裸獻惟祭儀之難黷冀神監之具昭

南郊禮畢 皇帝謝內中功德表

伏以蠲烝廟祧潔告郊時實蒙庇貺以獲賴歎惟錫福之
無窮身歸誠之有已

南郊禮畢福寧殿奏謝 英宗皇帝表

伏以膺命紹休詎時協吉告潔潔於廟室奠嘉王於郊丘
雖祗奉聖謨獲無疆之慶賴而深追神眷重用極之哀擢

真宗皇帝忌辰奏告永定陵景靈宮慈德殿表

伏以慶靈回薄永化後 且時序徂遷奄更薄日威神在望
感林蕪懷

集禧觀開啓為民祈福祈晴道場默表

伏以兩淫為畜民用愁墊式陳淨供以致誠祈冀格靈明
遂蒙開霽惟潔潔之無害仰休饗之有依

南京鴻慶宮開啓 皇帝本命道場青詞

伏以實命有詒以自求而致福至神無躋道所感而應誠

祇奉靈科實存故事其蒙垂福俯暨含生

延祥觀開啓 太皇太后本命道場青詞一道

伏以寶曆有詒眇躬實嗣獲承慈範仰荷神休方元命之
在辰按舊儀而左事庶蒙慶祐永錫壽祺

二

伏以聖功輔世已大濟於艱虞神道示人用寵綏於祉福
敢因穀旦祇奉靈科冀大錫於壽祺得永承於慈範

宗先觀奉元殿開啓 皇太后本命靈寶道場

青詞

伏以克紹慶基實蒙慈訓溝茲元命若昔宗祈冀靈監之
俯昭垂壽祺永錫

靈齋內殿開啓 太皇太后生辰道場青詞

伏以壇席盛陳科儀肅設眷言慈履祝此誕辰永綏壽考
之祺上賴神靈之祐

靈齋內殿開啓 皇太后生辰道場青詞

伏以集黃冠之勝衆仰紫極之真游按用科儀營祈祉福
仰求聰鑒俯應誠心

西太一宮開啓 皇太后生辰道場青詞

伏以真聖在天式存照臨之位眇冲嗣歷永惟顧復之恩
敢因誕毓之辰祇薦熏修之事仰祈眷祐俯察傾輸推純
嘏以及親與群生而均貺

龍圖閣開啓 皇太后生辰道場青詞

伏以妙善可依每俯從於誠悃至恩難報唯仰祝於壽祺
祇奉靈科隆施淨供上賴監歆之力永綏願復之慈

廣聖宮開啓 真宗皇帝忌辰道場青詞

伏以深追諱日祇奉靈科仰求神福之繁率用邦儀之舊
永惟道履昭此誠祈

福寧殿罷散三長月祝 聖壽道場青詞

伏以順長羸之嘉月按齋被之靈科庶用熏修溥應眷之
精衷以薦釐事既成仰賴聖旨俯昭誠悃

福寧殿開啓三長月道場青詞

伏以降年有永實繇陰騭之功嗣歷無疆必謹靈承之志
師時典故若昔科儀仰賴監觀俯垂庇貺

福寧殿罷散三長月道場青詞

伏以監觀在上禳祝有儀祇率舊章仰祈況施茂惟休禱
俯逮蒸黎

福寧殿開啓三長月道場青詞

伏以臯月紀時凱風應律罄齋精而上禱具其聖之俯臨
永賴監觀普垂庇祐敢忘寅畏仰答顧歆

福寧殿罷散三長月道場青詞

伏以恊用靈科宗祈永命惟神心之降格獲釐事之告成
冀與群元並膺遐福

福寧殿開啓南郊道場青詞

伏以欽崇宗祈為國大事前期齋禱禮典有稽仰冀靈明

新刊臨川王荆公先生文集卷之四十五
俯垂眷祐

應天禪院圻修 太祖神德殿祭告祝文

景靈宮祭告太歲已下諸神祝文

崇真彰德殿為經霖雨奏告祝文

太廟后廟奉慈廟雅飾奏告祝文

西太一中太一宮之秋祝文二道

九宮貴神祝文

景靈宮里域真官祝文

天地社稷宮觀五嶽四瀆寺處祈晴祝文二道

定州北嶽為地震祭特祝文

文德殿告遷 御容祝文

南郊青城畢功上開啓保安祝壽齋文二道

五臺開啓南郊禮畢道場齋文

性智殿開啓 太皇 太后生辰道場齋文

十月一日資薦 仁宗皇帝道場齋文

福寧殿資薦 英宗皇帝道場齋文二道

廣愛殿資薦 章惠皇后忌辰道場齋文

延昌殿奉安 英宗皇帝御容道場齋文

温成皇后陵獻殿內開啓冬節道場齋文

金明池上開啓祈雨謝雨道場齋文二道

尤面天章寶文閣接續開啓祈雪道場齋文

泗州塔 祈齋文

後死天王殿圻修了畢齋文

新刊臨川王荆公先生文集卷之四十六

內制 青詞密詞祝文齋文

景靈宮三殿開啓中元節道場青詞

景靈宮保寧閣下元節道場青詞

寧聖殿開啓為民祈福年交道場青詞二道

洪福殿開啓謝雨道場青詞

在京諸宮觀景靈宮等處祈雪謝晴青詞二道

坊州秋祭 聖祖大帝青詞

滄瀛州地震設醮青詞二道

北定州地震開啓祭禱道場青詞

集禧崇先殿開啓祝 聖壽金錄道場密詞二道

延福宮開啓 皇太后 皇后生辰道場密詞二道

金明池開啓謝雨道場密詞

開先殿奏告 太祖皇帝孝明皇后祝文

慮天禪院奏告 太祖 太宗 真宗皇帝御容

祝文

永隆殿奏告 太宗皇帝 元德皇后祝文

太廟奉慈諸廟奏告南郊寺處祝文

諸皇后陵奏告謝南郊禮畢祝文

英德殿奉安 英宗皇帝御容祝文

延昌殿奉安 英宗皇帝御容祝文

景靈宮三殿看經堂 開啓中元節道場青詞

伏以三元令節肇事有經祇薦 潔誠宗祈祉福仰繫 庇况覃及庶黎

景靈宮保寧閣下元節道場青詞

伏以殊廷外建嘉節俯臨夙設靈壇 燭烝順祝 冀蒙真聖垂佑群黎

醴泉觀寧聖殿開啓為民祈福保夏道場青詞

伏以聖真丕冒品庶具依當茲 啓之盛時用熏修之故事仰祈聰直俯鑒齋精溥垂庇祐之仁申錫壽考之福

醴泉觀寧聖殿開啓年交道場青詞

伏以像圖夙設壇席載嚴當此歲陰之交率時穰福之舊

仰惟庇貺俯逮黎元

集禧觀洪福殿開啓謝雨道場青詞

伏以旱暵成災懼物生之疵癘後齋以禱荷神卷之顧綏
載闢靈場式陳昭報尚冀涵濡之施以終庇祐之仁

在京都宮觀景靈宮等處祈雪青詞

伏以華歲幾終同雲未兆物將疵癘咎在眇冲敢罄齋精
上求嘉應冀蒙貺施孚佑含生

謝晴青詞

伏以密雲作雨暘不時若蒙神賜祐苗沴用除奔走戒齋
以謝靈貺祀儀有秩不敢怠忘

芳川秋祭 聖祖大帝青詞

伏以祠城在望御館如存敢因摯斂之辰祇用吉蠲之薦
冀蒙垂祐俯賜降歆

滄瀛州地震設醮青詞

伏以地德安靜災非其常陰陽厥愆以告咎罰禮禳有典
仰賴監歆所冀方隅具膺庇貺

伏以自河以北坤載不寧敷置淨筵以祈後福仰惟皇覽
敷佑群生監此齋精俯垂庇貺

北嶽廟為定州地震開啓祭禱道場青詞

恭以地職持載靜惟其常今茲震搖以警不德涉河而北
又用驚駭惟嶽有神並綏厥壞拔除祠館按用祈儀請命

上靈其家孚佑敢忘寅畏以茲眷歆

集禧觀開啓保夏祝 聖壽金錄道場密詞

伏以時在炎蒸物方蕃祉即祠庭之精闕竭清道之嚴祇
仰冀監觀俯垂庇祐且緩福履申河疾殃重及群黎未膺
戩穀

崇先觀開啓保夏祝 聖壽金錄道場密詞

伏以眷祐無疆稟脩有舊當朱明之紀候祈蒼昊之垂仁
申錫休嘉外覃品庶敢忘靈承之志永膺不日之恩

延福宮開啓 皇太后生辰道場密詞

伏以統合后宮協承先廟誕辰俯及聖事有常惟禹德之
傳臨冀百祥之永錫

延福宮開啓 皇太后生辰道場密詞

伏以協承寶命恩維指育之深俯應群情法有懃持之妙
齋場夙設慶事備終敢祗西竺之威神永佑東朝之福履

金明池開啓謝雨道場密詞

伏以蕃啓在時益隆為庖罄齋精而上禱蒙膏潤之旁流
祇報靈休式陳淨供尚祈終賜无使後艱

興國寺開先殿奏告 太祖皇帝 孝明皇后

祝文

伏以像設有嚴神游所御瞻衣冠而如在懼風雨之弗除
它事將興消長既吉永賴靈明之鑒俯昭休惕之懷

西京應天禪院奏告 太祖 太宗 真宗皇

帝御容祝文告遷奉安還本殿之意
伏以殊庭有恤館御如存吉日既蝨繕修惟謹式陳嘉薦
以妥明靈

啓聖院永隆殿奏告 太宗皇帝 元德皇后

祝文

伏以威神所感營繕有期考禮舊章宜時潔告茂惟靈德
俯鑒至懷

大廟八室奉慈諸廟奏告南郊等處祝文

伏以三歲一郊實昭大報前期潔告國有故常仰冀靈明
俯垂鑒祐

諸皇后陵奏告謝南郊禮畢祝文

伏以禋饗郊宮國之重事唯蒙慈庇以獲休成筴祝有經
敢忘用舊

景靈宮英德殿奉安 英宗皇帝御容祝文

伏以先聖舊祠祖宗所御嗣興寶構追奉靈游誅日既嘉
具儀以妥祖惟在上求保厥寧

天章閣延昌殿權奉安 英宗皇帝御容祝文

伏以相名山於洛宅既北寢園倣原廟於漢儀將遷館御
潔除秘宇嚴奉粹容冀靈蹕之少安副哀情之罔極

西京應天禪院圻修 太祖神御殿祭告祝文

廟利有嚴威神所御將改新於寶構永欽奉於粹容仰冀
靈明俯垂鑒祐

景靈宮修蓋 英宗皇帝神御殿上梁察告太
歲已下諸神祝文

伏以欽奉僊遊肇營寶構奉脩梁而揆日具融儲以寧神
被此後報仰縻大祐

慈孝寺崇真彰德殿為經霖雨垂眷脫落奏告
祝文

伏以雨淫告災垣屋或壞惟神所御有圮弗支諏用靈辰
改新厥溝蝨為祗薦於礼有常

太廟后廟奉慈廟雅飾告祝文

伏以三歲一郊祖宗成法靈明所御繪飾有時方此保工
礼當潔告

西太一宮立秋祝文

伏以候火既流占仄甫應真造所御靈時具存率循桂章
作薦常事仰祈錫福大庇含生

中太一宮立冬祝文

伏以館衛國郊庇既天物祠宮筴祝在礼有初消選吉時
作薦常事敢祈乎祐施及群黎

九官貴神祝文

伏以下用靈辰躬修禮真清壇所兆潔告有常

景靈宮里域真官祝文

伏以宗祈陽郊祗見神祖葆茲淨域夙賴真靈祗率桂章
式陳嘉薦

天地社稷宮觀等處祈晴青詞祝文

積陰為沴淫雨弗止滂決漂墊將為民苗懼德不類以干咎罰是用齊夜宗祈明靈冀蒙垂於遂獲開霽休嘉之錫
實被含生

五嶽四瀆諸廟祈晴祝文

淫雨弗止將為民苗懼德不孚以罹咎罰是用奔走禱于
明神惟神監觀惠以時揚非民獨家嘉福神亦永有休享
定州北嶽為地震祭禱祝文

伏以自河以北陽出鎮使人用不寧咎由菲德末惟聰直
庇祐一方祇飭使人齊精以禱尚蒙歆鑒無有後艱

文德殿告遷 御容祝文

伏以綬冠即事喪紀有終黼座殿神哀懷靡極度新宮而
館御諷吉日以徂遷式冀靈明永啟豐潔

南郊青城綵內畢功大殿上開啓保安祝壽諷

孔雀明王經齊文

伏以祀兆方嚴齊場夙設矣延淨若開誦梵文既蒙大施
之仁助錫丕平之福

南郊青城綵內畢功大殿上開啓保安祝壽諷

法華經齊文

伏以惟宮既具皇邸將臨發誦秘文施其是福仰惟竟慈
之覆俯綬禋享之成

五臺開啓南郊禮畢道場齊文

伏以靈承在上懼休命之難 大報于郊惟盛儀之獲
祗循故事格報厥成仰賴顏歆終垂庇貺

內中延福宮性智殿開啓 太皇太后生辰道
場齋文

伏以大陰協兆良月御時猗以眇躬獲承慈範敢因穀日
祗隸勝緣笑賴等慈具縉呈福

十月一日永昭陵下宮開啓資薦 仁宗皇帝
道場齋文

伏以大明光藏上智之所發揮妙總持門群靈之所歸賴
歲陰逝矣陵湖超然憑淨衆以有祈冀具遊之無礙

福寧殿開啓資薦 英宗皇帝道場齋文

伏以憑几之言未遠滌場之候更新擇慕安躬焚瘞罪及
旁招淨衆歸誠甘露之門仰祝靈游取證法雲之地

中元節福寧殿水陸道場資薦 英宗皇帝道
場齋文

伏以正等上緣含生永賴薦龍施之淨供助宿植於神游
仰冀靈明俯昭哀懇

萬壽觀廣愛殿資薦 章惠皇太后生辰道場
齋文

伏以諱日俯臨祠庭外闕遶東黃冠之衆宗初紫極之神
按用前科追營後福庶超升之莫禦繫庇貺之有加

天章閣延昌殿開啓權奉安 英宗皇帝御容

道場齋文

伏以翠旌所御玉色如存將改泣於清間少即安於秘近
旁招淨衆仰助勝緣憑妙覺之摠持冀皇靈之升濟

温成皇后陵獻殿內開啓冬節道場齋文

伏以光靈所宅崇奉有儀因令節以重修其具兼之祈助
仰希錫福俯逮含生

金明池上開啓祈雨粉壇道場齋文

伏以肅設祠壇宗祈辭澤膏潤之祥甫兆赫炎之懼更深
實恃靈明厚於黎庶遂令沾冗用格豐穰

金明池上開啓謝雨道場齋文

伏以常賜告罰將嘗染盛夙設靈場載祈膏澤神休既格

躬報有儀尚惟孚佑之仁終保嘉生之享

龍圖天章寶文閣接續開啓祈雪道場齋文

伏以歲序就窮尚衍嘉雪能仁應世閱此含生冀佑上靈
錫之休證式陳淨供以告齋誠

泗州塔謝晴齋文

天苗干民淫雨不止枝除齋戒並走以祈實蒙等慈俯應
誠悃永惟庇既其敢弭忘

後苑天王殿折修了畢齋文

伏以擬辰君之奧密飭之豫之嚴威繕治告功被齋祈福
庶馮至善永保多盤

新刊臨川王荆公先生文集卷之四十六

新刊臨川王荆公先生文集卷之四十七

內制 詔書

勅榜交趾

提轉考課勅詞

韓琦加恩制

李璋加恩制

皇伯祖承亮加恩制

李日尊加恩制

馮翊郡君連氏等賀南郊禮畢表

德妃苗氏上賀南郊禮畢表

賜梁適張昇特赴闕南郊陪位詔

賜允梁適陳乞不赴南郊陪位詔

賜允張昇不赴南郊陪位詔

賜王拱辰乞南郊赴闕不允詔

賜允韓琦乞相州詔三道

賜韓琦依所乞詔

賜韓琦乞相州不允詔二道

賜韓琦乞致仕不允詔

賜韓琦湯藥詔

賜富弼乞判汝州詔

賜富弼上表乞致仕不允詔

賜允富弼乞假養疾詔

賜允富弼乞赴汝州避災養疾詔

賜富弼赴闕詔二道

賜富弼赴闕并茶藥詔

賜富弼辭免南郊禮畢支賜詔

賜宰臣曾公亮已下辭南郊賜資不允詔

賜陳升之辭免息命不允詔

賜陳升之赴闕朝見茶藥詔

賜歐陽脩上表乞致仕不允詔三道

賜歐陽脩辭知青州不允詔二道

賜答曾公亮詔

賜張方平免特支請俸詔

賜邵元乞郡詔

賜皇伯從式乞免新命不允詔

賜蔡挺茶葉詔

賜蔡挺獎諭詔

賜高賦獎諭詔

勅榜交趾

勅交州管內溪峒軍民官吏等眷惟安南世受王爵撫納之厚實有先朝含容厥愆以至今日而乃攻犯城邑殺傷吏民干國之紀刑茲無赦致天之討師則有名已差吏部員外郎充天章閣待制趙高充安南道行營馬步軍都總管經略安撫招討使兼廣南安撫使昭宣使嘉州防禦

使入內內侍省都押班李憲充副使龍衛四廂都總管指揮使忠州刺史燕達充副都總管順時興師水陸兼進天示助順已然布祈之祥人知悔亡咸懷敵愾之氣然王師所至弗廷克奔咨爾士庶久淪塗炭如能諭王內附率衆自歸爵祿當倍常科舊恙宿負一皆原滌乾德勿維政非已出造廷之日待遇如初朕言不渝衆聽無惑比聞編戶極困誅求已成使人具宣恩旨暴征橫賦到即蠲除冀我一方永為樂土

提轉考課勅詞

先王考績之次序雖見於經而其詳不傳於後世朕若稽古以修衆功而諸路刺舉之官未有以考其賢否比勅有

司詳議厥制條奏來上詢謀悉同其使布宣以勵能者而擇左右可信之良使典治之古人有言徒善不足以爲政徒法不試以自行今朕有念功樂善之志焉而又繼之黜陟幽明之法以待天下之大吏矣然非夫任事之臣躬率以正而考慎其實與士大夫宣力于外者皆安於禮義而不以便文徼幸爲姦則朕之志豈能獨信於天下而法亦何恃以行哉咨爾在位其各悉力一心務祗新書以稱朕至誠惻怛之意

韓琦加恩制

門下朕祗率舊章肇稱古禮對越天地具獲靈明之歆相維公卿並膺休顯之賜其乎大號以寵元勳推誠保德崇

仁守正協恭贊治亮節翊戴功臣淮南節度揚州管内觀察處置營田等使開府儀同三司守司徒檢校太師兼侍中行揚州大都督府長史上柱國魏國公食邑一萬三千七百戶食實封五千戶韓琦躬受偉材出陪廕運保茲天子進無浮實之名正是國人退有顧言之行聞朝廷之兩社操方域之萬邦辰猷具臧器寶加重中辭機軸之要外即蕃屏之安衡統統緹備三公服飾之盛察堦戟毒縣兼大將威儀之多序績既崇脩方彌謹協成宗祈之禮與有顯助之勞肆行本封申加美稱於戲恩典徵數所以旌帝臣明德茂功所以獎王室往惟勵翼服此褒嘉可特授依前守司徒檢校太師兼侍中行揚州大都督府長史魏國公

充淮南節度揚州管内觀察處置營田等使加食邑七百
戶食實封四百戶仍賜推誠保德崇仁守正協恭贊治亮
節佐運翊戴功臣散官勳如故主者施行

李璋加恩制

門下朕若昔大猷紹天明命必有獻享之禮作民恭先必
有褒嘉之恩自國貴始翊衛功臣奉寧軍節度鄭州管内
觀察處置河堤等使光祿大夫檢校司空使持節鄭州諸
軍事鄭州刺史兼御史大夫上柱國平原郡開國公食邑
四千三百戶食實封一千戶李璋世載忠善躬服儉勤以
后家之洪支為帝室之隆棟入總營衛則兵師無譁出乘
蕃維則吏屬不怠近付京都之籥外吏方鎮之旌貢職惟

修祀儀獲考進加功號申衍邑封以疇服采之勤其協勸
勞之興於戲貴富有危溢之可戒祿位匪侈驕之與朝圖
惟慶譽之終尚協龍光之施可特埒依前檢校司空使持
節鄭州諸軍事鄭州刺史兼御史大夫充奉寧軍節度鄭
州管内觀察處置等使加食邑七百戶仍賜翊衛忠果功
臣散官勳封如故主者施行

皇伯祖威德軍節度使盛國公承亮加恩制

門下朕裸獻廟室燎裡郊立内蒙祖考之居歆外獲神祇
之顧饗嘉我近屬與有陪輔之勞揚於大庭使膺嘉顯之
福具官某德義自表爵茲兼尊魁然肅艾之材尚矣神慮
之曾世承厥慶有附華之芬華朝輔以寧若翰宙之嚴密

乃相肆祀實綏思成進加奠食之封申錫詔功之號於庶
孝恭可以儀宗室信厚可以化邦人匪時親賢孰朕承翼
徃肩寵將尚協榮懷可

李日尊加恩制

門下朕紹膺駿命稽用上儀祗事郊宮並受三神之福推
恩友夏外交回表之歡告于有司錫是在服推誠保節同
德守正順化翊戴功臣靜海軍節度觀察處置等使同中
書門下平章事李日尊躬懷德善世濟忠勤奠茲南邦居
有扞賊之效衛我中國使無疆場之虞賜之大將之旌昨
之具王之爵徃踐厥位知欣戴於寵章來獻其琛用協成
於庶事陪敦采邑褒進文階戴加日食之封式允懋功之
典於戲人之所助惟怙冒於王靈國以求存顧循守於侯
度率時新命保乃舊邦可

馮翊郡君連氏等賀 皇帝南郊禮畢表

伏以廟饗蠲黍郊柴昭報仰格神靈之饗俯均夷夏之歡
中賀伏惟 皇帝陛下道協欽明德兼神武攬御今之皇
策考嚴上之帝儀極威盛密茂實存平六世恩典徽敷資
并及於萬方妾備數先朝叨榮中禁親逢累洽竊用交欣
妾無仕

德妃苗氏上賀 皇帝南郊禮畢表

伏以靈承廟祏祗載郊丘既來萬國之歡遂格三靈之祐
中賀恭惟 皇帝陛下徇齊成性睿廣曆期神罔時恟方

紹休於大業聖為能饗乃獲考於上儀妻遠侍先朝親逢
盛事觀瞻有煒欣賴實多矣無任

賜太子太傅致仕梁適太子太師致仕張昇特

赴闕南郊陪位詔

朕肇稱圭幣祗見郊宮嘉得萬國之歡心以承配天之大
事求念元老著勲先朝當與辟公序于祠位豈能顯相
緩我休成可發來赴闕南郊陪位詔示想宜知悉

賜允太子太傅致仕梁適陳乞不赴南郊陪位

詔

勅梁適省所上表遞到詔書一道令臣赴闕陪位者臣以
久病不獲奔走前去事具奏朕將圭幣祗見郊宮嘉與

舊臣協承熙事乃聞疾旅力尚尙憊老寵資義誠難疆

賜允太子太師致仕張昇不赴南郊陪位詔

勅張昇郊丘大事群辟具來舊老元勲所宜顯相乃以疾
苦惻於朕心尚慎興居以膺康福

賜宣徽北院使判大名府王拱辰乞南郊赴闕

不允詔

勅拱辰朕嗣命典神肇稱吉禮稽循故事不敢愆志卿既
率貢職以來助祭又求入覲陪侍郊宮緬彼都畿方須鎮
撫求惟重寄難徇至懷

賜允守司徒兼檢校太師兼侍中韓琦乞相州

詔

勅韓琦卿以公師之官將相之位統臨四路屏扞一方寄
重任隆群臣莫比雖罹疾冀即有瘳而章書頻頻來以
病告宗工元老視遇有加息禮之間然何敢薄重違懇惻
姑即便安

賜守司徒兼檢校太師兼侍中判永興軍韓琦
再乞相州詔

卿當國家之多難任社稷之至憂實能忠勤以濟勲績方
均逸豫適此外虞煩我元功良非得已亦惟休國義不辭
勞今雖尚謀經武之時非有蒐兵伐罪之事亦臨諸帥固
可優游何必舊邦乃能休養勉綏居息以副倚毗

賜守司徒檢校太師兼侍中韓琦

使道之鎮朝廷故常來朝京師朕意所欲使事曲折既當
聞知忠言嘉謨又所飢渴雖知勤勤可不勉哉

賜韓琦依所乞詔

勅韓琦奏乞由河陰本路赴相州安泊骨肉行李訖徑乘
遞馬赴闕朝見奏事訖還赴本任稍從私便事具采崔德元功久
於方面嘉言謨論所欲亟聞其來造朝然後之鎮義當通勉無或告勞

賜守司徒檢校太師兼侍中判永興軍韓琦乞
相州舊任不允詔三道

勅韓琦卿明德茂勲具書帝籍祖考所付以屏毗朕躬比
辭國均已會邊隙故煩元老屬此憂勤今羌雖來永疆事
多弛經營科治改命為難莫府坐籌制其大略雖聞稍憊

冀可少安義有固然朕言無戲

勅韓琦羌夷交態未易究知邊塞繕完所宜申飭以卿望實分朕顧憂當并群策以有為遂指一方於無事乃來告疾真得燕間主爾忘身忠賢之義勉膺重寄務躋至懷

三

勅韓琦卿茂德雋功朝廷所賴方解政戔之劇重分疆事之憂種落綏和首渠嚮順永惟邊鎮猶恃老成所須經武之遠謀及此暇時而備豫當思躰國無邦告勞

勅韓琦朕初嗣位不敢暇逸惟畏天命亦惟閱民蠶茲一

方尚戒羌夷制交備豫扞蕃禦侮庶哉元老克勵朕心若其憚勤誰與謀此勉祗厥服用副至懷

賜判永興軍韓琦湯藥詔

勅韓琦任隆三事寄重一方比聞經制之勞或交節宣之序特馳使傳往喻朕懷宜有分頒以資衛養

賜允觀文殿學士尚書左僕射新除集禧觀使富弼辭免乞判汝州詔

卿翊朕祖考功施于時德善在躬終始如一朝廷置使實近闕門邦有大疑庶幾求助忠賢躰國義乃可留而引喻再三便於出守重違懇惻姑即所安故茲詔示想宜知悉

賜判汝州富弼乞致仕不允詔

勅富弼卿忠純亮真為國元老朕所恃賴急於典刑優游
小邦足以養疾冀緩福履來副詢謀何必言歸以孤眷矜
賜判汝州富弼乞假養疾詔
眷我元老數更悲傷比飭使人往宣至意乃觀來論未即
康寧姑順誠懷勉綏吉祿

賜判汝州富弼乞赴安州避災養疾詔

比飭使人具宣至意就令賜告冀遂寧瘳卿嚴祗朕命不
敢違息顧念吏卒閑其滯留觸執載馳用忘勸茶以事
上卿實有之仁及賤微又能如此忠誠所惻也獨朕心從
容小邦姑以養福勉綏吉祿毋恤後艱故茲詔示相宜知悉
賜判汝州富弼赴闕詔二道

勅富弼卿中解政機外分符守久於窮僻備養或以衍優游
京師可以治疾謂當趣駕以副虛懷

二

勅富弼又解政機存分符守元功茂德朕所注心渴聞嘉猷以輔不逮

賜富弼赴闕并茶藥詔

勅富弼適自州藩來還朝位眷馳驅之良苦懼備養之或
衍當有寵頒以昭勤件

賜判汝州富弼辭免南郊禮畢支賜詔

勅富弼省所奏免南郊支賜受鰲干神養及樂爾卿勤德
兼茂中外具瞻恩典所加當先群辟區區一賜何足以辭
當躰眷懷共膺貺施

賜宰相曾公亮已下辭南郊賜賚不允詔

勅公亮等朕初嗣服於祖宗之制未有所改也卿等選於
黎獻位冠百工或受或辭人用觀政朝廷于奪所以取臣
貴賤有差勢如堂陛惟先王之制國用視時民數之多寡
方今生齒既蕃而賦入又為不少理財之義殆有可思此
之不圖而姑務自損祇傷國躰未協朕心方與勳賢慮其
大者區區一賜何足以言

賜觀文殿學士新除刑部尚書知大名府陳升
之辭免 恩命不允詔

勅升之設都置守綏御一方付得其材乃能往人卿嘉謀
美績簡在朕心選於群臣用有昇屬申明紀律

臨制事幾中外踐更效皆已試勉祗厥服於義為宜

賜觀文殿學士刑部尚書知大名府陳升之赴

闕朝見茶藥詔

勅升之往司宮鑰來次郊闈炎敲之序未徂跋涉之勤已
至當馳榮賜以示眷懷

賜觀文殿學士刑部尚書知亳州歐陽修上表
奏乞致仕不允詔

勅修股肱名臣與國同體禮當得謝朕尚難之况年非告
老之時而勲在受遺之籍不留屏輔人謂斯何姑體至懷
少安厥位

賜知亳州歐陽修陳乞致仕第二表不允詔

勅修卿勲德之舊簡在帝心從容一州足以休養而抗奏
至於四五必以田里爲歸豈朕視遇故老有不足於禮平
何其求去之果也欲喻至意莫知所言惟能勉留實副勤
賜知亳州歐陽修第三表并劄子陳乞致仕不
允詔
勅修省所三上表并劄子奏乞致仕事具悉卿翊戴三朝
清明諒直有言有績著在朕心重違勤求外寄藩屏邦之
雋老不以遐遺所冀輸誠常存帝室而納祿與職至于再
三雖潔身之風可激貪冒顧許國之義未協忠嘉姑豐眷
懷勉膺圖任所請宜不允

賜觀文殿學士兵部尚書歐陽修辭知青

州不允詔二

勅脩海岱名都太公舊履鎮撫一路朕雖其材卿實元勲
以忠許國謂當亟往卧以治之冀能優游寧此東上

勅脩卿純誠直諫中外所知辭祿就閑志非有激進官治
劇義乃無嫌矧茲東州可以居息方之守塵勞逸殆均朕
命惟行謂當遣往

賜荅魯公亮詔

青裁變異以戒人君推之股肱朕所不取元勳舊德實賴
交脩謹告之來必緣象類明喻朕志使當天心庶幾君臣
並受遐福不務出此而果於辭讓是惟保身豈曰謀國

賜張方平免特支請俸詔

勅方平省所奏劄子陳免特支請俸事具悉卿躬肅艾之材豫辯章之論致畏無貳雖非謀國之時班祿有差是乃養賢之意抗言來諗引義甚明重整素懷姑循近制

賜樞密副使右諫議大夫邵亢乞郡詔

勅邵亢卿先帝所命以翊朕躬升執事樞方觀勳效遽欲辭位殆非所宜衛養少愆何憂不已勉共厥服思協朕心賜皇伯新除彰化軍節度觀察留後安定郡王從式乞免新命不允詔

勅從式卿躬雋乂之材出神明之胄選於宗室則屬近而

官封未綬吉祿

賜涇原路經略使蔡挺茶藥詔

卿方用特材出分帥路適茲寒苦良已勤勞特推撫賜之息以示眷懷之意

賜天章閣待制知渭州蔡挺獎諭詔

封疆之虞責在將帥厥有績效不忘于心卿乂以才稱外分方任乘機踐事能兆厥謀板築告功于疆就幕保彼居圉可無後憂倚言若茲朕所嘉歎

賜知唐州光祿卿高賦獎諭詔

召杜南陽世稱循吏其亡乂矣朕尚思之卿招懷飢流墾闢荒梗繕脩陂塢績効具昭前人之良何以逮此閱奏歎

美不忘于心

新刊臨川王荆公先生文集卷之四十七

臨川先生文集卷第四十八

內制 詔書 批答 口宣

賜齊恢獎諭詔二道

賜勅獎諭審刑院詳議官大理寺詳斷官等二道

賜勅獎諭蔡冠卿

賜燕度待罪詔

賜外任臣寮進奉功德疏

賜特放韓贊待罪詔

賜特放傅卞待罪詔

賜答德妃苗氏賀南郊禮畢詔

賜答修儀楊氏等賀南郊禮畢詔

賜太遼賀正旦使副茶藥詔二道

賜大遼皇太后賀正旦使副茶藥詔二道

皇帝問侯大遼皇帝皇太后書二道

賜南平王李日尊加恩告勅書

賜溪洞田元等進奉勅書

賜占城楊卜尸利律陀般摩提婆勅書

批答文武石察曾公亮已下上尊號不允二道

批答曾公亮文彥博等賀壽星見二道

批答富弼

批答不允皇伯祖承亮辭免恩命四道

批答韓絳邵元陳升之等辭免恩命仍斷來

章二道

宣答文武百寮稱賀宣德門肆赦南郊禮畢道

賜皇伯祖王元弼生日口宣

賜皇伯祖承亮加恩口宣

賜皇弟岐王顥生日禮物口宣

賜皇弟高密郡王生日禮物口宣

賜韓琦加恩口宣

賜韓琦生日禮物口宣

賜文彥博生日禮物口宣二道

賜呂公弼生日禮物口宣

賜富弼赴闕茶藥并賜詔口宣二道

賜陳休之赴闕朝見并賜茶藥口宣

賜富弼加恩口宣

撫問韓琦口宣

撫問陳休之兼賜夏藥口宣

撫問鄜延路延州沿邊臣寮口宣二道

撫問河北西路臣寮兼賜夏藥口宣

撫問并代州路臣寮并將校口宣

撫問高楊關路諸軍口宣

撫問送伴大遼賀正旦人使副口宣

撫問白溝驛賜北朝人使御筵口宣

賜大遼國人使已下生餼口宣

賜大遼國人使瀛州御筵口宣

賜大遼國人使就驛賜酒果口宣

北京賜大遼賀正旦人使御筵口宣

雄州賜大遼人使御筵兼撫問口宣

就驛賜大遼人使酒果口宣

賜真定府路臣寮等初冬衣襖口宣

賜召馮京入院口宣

賜召滕甫入院口宣

賜天章閣待制知審刑院齊恢獎諭詔

勅齊恢省所奏據大理寺日奏司狀四月一日已前下寺

公案並已斷絕無見在事具悉卿以才被選典領祥刑敢
罪讞疑遂無留獄圍空之降朕庶幾馬閱奏歎嘉忘乃續

又賜知審刑院齊恢獎諭詔

以齊恢行獄之留易以爲戒卿躬有美行服在近班典茲
祥刑致用明慎濟之敏給廷讞用空吏稱厥官朕心所喜

賜勅獎諭審刑院詳議官大理寺詳斷官等

勅趙文昌等省知審刑院齊恢奏據大理寺日奏司狀四
月一日已前下寺公案並已斷絕無見在事朕初嗣服德
化未孚未念元元多罹行獄汝等並膺選擢任在讞疑能
勵厥官以無留事覽奏歎尚不忘于懷

又賜獎諭審刑院詳議官大理寺詳斷官等

勅趙文昌等四方罪獄常患稽留豈唯呼嗟或以瘦死汝
等能勤且敏論讞用單閱奏念勞朕心以喜

賜勅獎諭權大理寺少卿蔡冠卿

勅蔡冠卿省知審刑院齊恢奏據大理寺日奏司狀四月
一日已前下寺公案並已斷絕無見在天下之獄決於大
理汝能審克不蔽厥成來讞之疑遂無留者惟明以敏朕
實汝嘉

賜特放諫議大夫知譚州燕度待罪

卿受命方隅助宣德化姦凶弗率乃觸大誅引慝自歸謂
當譴黜萬方有罪責在朕躬雖爾長民宣專任此

賜外任臣寮進奉功德疏

鄉方以時材外分邦寄備修禋事來會誕辰廣加旌之勝緣協華封之善意載惟勤至良用歡嘉

賜特放知成德軍韓贊待罪詔

夫婦相殘政之大恥引愆自効於義爲宣赫德化之美厥成在久任斯責者豈特長然

賜特放懷州傅下待罪詔

勅傅下先王教民長幼有序厥或不率歸之義刑鄉受任方州罪人旣得閔斯弗迪引責在躬美俗之成蓋非朝夕一夫抵冒未足以言

賜答德妃苗氏賀南郊禮畢詔

勅德妃苗氏列職內官逮承先帝祀儀獲考慶慰惟均此

覽奏陳具昭誠意

賜答修儀楊氏等馮翊郡君連氏等賀南郊禮畢詔

勅修儀楊氏舊錄德選列職禁闈釐事之成實均慶賴摛文贊喜良慰朕心

賜大遼賀正旦人使藥詔

勅卿以膺使之才將善鄰之禮川塗悠遠風氣互寒未念馳驅當加勞賜

賜大遼賀正旦副使茶藥詔

勅卿夙駕使車遠將信幣方茲寒深固已勤勞宜申諭於至懷仍就加於寵錫

賜大遼皇太后賀正旦人使茶藥詔
勅卿奉將書幣更涉川途方茲沍寒久於勤勩宜加勞賜
以示眷存

賜大遼皇太后賀正旦副使茶藥詔

勅卿將幣造朝方申舊好建獲取道適會祁寒未惟跋涉
之勞當有匪頒之寵

皇帝問候大遼皇帝書

嘉生備舍華歲幾終惟素講於鄰懽想具膺於時福彌加
葆衛永御吉康

皇帝賀大遼皇太后生辰書

玉燭告和方御閑歲之候椒廷集慶載臨誕毓之辰具飭

使車肅將禮幣式脩舊好申祝求年

賜南平王李日尊加恩告勅書

勅南平王日尊朕躬執主幣禮成郊立死有遠迹並膺休
福卿鎮抚南服功昭千時乃眷忠勤尚加褒顯永肩臣節
茂對寵章

賜溪洞知蔣州田元宗等進奉助南郊并賀冬

賀正勅書

勅田元宗附綬種落葆衛疆陲能來獻琛以贊輦事忠勤
之意良有可嘉

賜占城番玉楊卜尸利律陀般摩提婆勅書

勅卿世荷百祿躬有一邦雖道阻荒遐而志存欽順且書

道使航海獻琛載念忠勤豈忘歎尚因加褒賜式示眷懷

批荅文武百寮曾公亮已下上 尊號第一表

不允

朕以薄德嗣膺基緒繼天理物常懼弗任方賴交修以熙
衆治群公卿士外暨庶黎欲率鴻名措之耻質臣民婦美
為義則多揣實候時朕猶不取

批荅文武百寮曾公亮已下上 尊號第一表

不允

王者奉元以先後天時憲道以始終人事以文制禮作樂
以武戢兵豐財以成萬物之性為仁以得四海之心為孝
惟聖時克朕無能焉被之此名祇有懋德矧家多難創錘

未夾備章而郊欲止不敢因自尊顯良非本懷

批荅宰臣曾公亮已下賀壽星見

省表具之乾象粲然官占以告壽祺之應於傳有稽卿等
寅亮帝工阜成邦采摛衣告慶歸福朕躬書瑞史篇已循
故事星隆畧德尚賴交修

批荅樞密使文彥博等賀壽星見

省表具之穹旻見象以告弄昌嘉與臣民並膺茲福卿等
進繇德選登翊事樞敷奏兆祥請書史策嘉之意朕所
不忘

批荅富弼

卿有憂國愛君之心而忠以忘乎已有經邦信時之業而

用未究其能夫蓄久而積博者施之無窮慮深而計熟則
謀無不獲此朕所以有望於卿也矧卿正直不回姦邪素
忌小人所異君子所同是以前十年而左右之譽弗及
處躬一德而播紳之望愈隆朕內度于心外播于衆自謂
有得卿其何辭

批荅不允皇伯祖威德軍節度使榮國公承亮

辭免 恩命第一表

卿相予祠事既獲休成膺國寵章所宜祇受苟為謙避未
協眷懷

批荅不允承亮辭免 恩命第三表仍斷來章

卿位重朝廷望隆宗室駿奔郊廟助朕休成受錫為宜可

無確避

批荅不允承亮辭免

省表具之受釐于神人與何慶矧惟近屬德齒兼尊膺此
褒嘉於事為稱往其祇命以副眷懷

批荅不允承亮辭免

省表具之古者服膺之福與同姓共之矧茲大賚外及繼
貂為君近屬相協休成恩典所加豈容固避

批荅樞密副使常絳邵元知樞密院事陳升之

等辭免 恩命仍斷來章

省表具之祭有惠術賚及庶黎矧吾政事之臣當在褒揚
之首膺斯恩典於休為宜毋或終辭以勤訓告

批荅韓絳邵亢陳升之等辭 恩命不允仍斷
來章

卿等位為臣宗躬相祠事膺斯褒顯於休為宜性服寵章
可无謙避

宣荅文武百寮相賀宣德門肆赦

有制朕升煙泰時登就吉儀駐蹕端門布宣惠澤臣鄰協
豫黎庶交欣賴天之休與卿等內外同慶

宣荅文武百寮相賀南郊禮畢

有制朕裸獻清由燎禋泰壇協相祀儀既嘉勤績於陳賀
禮弥見歡誠賴天之休與卿等內外同慶

宣荅樞密使以下賀南郊禮畢

有制朕親稱幣王祗見郊宮饒底熙成實錄顯相群靈率
籲黎獻交欣朕賴天之休與卿等內外同慶

賜皇伯祖東平郡王允弼生日口宣

有勅卿齒尊德茂屬近位崇惟時獻歲之期實兆元精之
慶當加好賜以助燕私

賜皇伯祖威德軍節度使榮國公承亮加恩口
宣

有勅朕躬率百辟褒封萬靈乃眷親賢實陪大事當懋寵
嘉之數以昭褒錫之具

賜皇弟岐王顥生日禮物口宣

有勅卿地親魯衛德茂間平方誕毓之嘉辰有匪頒之故

事當馳膺使往喻降恩

賜皇弟高密郡王生日禮物口宣

有勅卿德名方邵爵寵薰崇誕毓之夜甫當穀旦匪頒之
禮式示至恩

賜淮南節度使守司徒兼侍中判相州韓琦加
恩口宣

有勅卿位高朝廷德茂百辟相予釐事厥有成勞膺國寵
章是為常典

賜判求興軍韓琦生日禮物口宣

有勅卿位重將旌望隆宰席方擢蕃官之績載臨誕毓之
辰當有匪頒以昭眷遇

賜樞密使西川節度使守司空兼侍中文彥博
士生日差內臣賜羊酒米麵等宣口

有勅知明謨經國碩望冠朝方茲誕育之辰宜有燕私之
禮當加賜賚以示眷懷

賜文彥博士生日差男押賜生日禮物口宣

有勅卿才隆國棟位極臣宗惟特盈月之良實壯元精之
慶載臨穀旦當致異恩

賜樞密使呂公弼生日禮物口宣

有勅卿為皇世臣掌國幾命門弧言慶是謂嘉時臺饒致
恩式昭厚遇

賜觀文殿大學士尚書左僕射富弼赴闕茶藥

口宣

有勅卿又辭劇位外寄方州惟召節之既嚴想朝旂之甚
迹宜頒珍劑以喻至懷

賜觀文殿大學士尚書左僕射富弼湯藥并賜
詔口宣

有勅卿屏翰元功台衡惟德敷更悲憂有惻朕心因喻至
懷宜頒珍劑

賜觀文殿大學士刑部尚書知大名府陳升之赴
闕朝見并賜茶藥口宣

有勅卿推節過都破關清覲方茲炎澤固已勤勞當有匪
頒以資補養

賜觀文殿大學士尚書左僕射判汝州宣弼加

恩口宣

有勅卿望陳特棟德茂臣宗方茲殫事之成爰有命書之
賜往膺褒績當體眷懷

撫問判永興軍節琦口宣

有勅卿內辭身軸出撫方垂載惟莅事之勤宜饗齋神之
福特申勞問以示眷懷

撫問觀文殿學士陳升之兼賜夏藥口宣

有勅卿久參台路方部將符輯瑞之來虛懷以好宜加勞
賜式示眷存

撫問廊延路臣寮口宣

有勅卿等並膺延選外寄邊虞永念撫循備更勞勩方茲
妍暖宜各寧安

撫問延州公邊臣寮口宣

有勅卿等並因材選外寄邊虞方履盛秋想膺多福特申
撫諭當體顧懷

撫問河北西路臣寮兼賜夏藥口宣

有勅卿等時方鬱蒸氣或疢癘永惟黎獻方寄外憂當有
分頒以助調養

撫問并代州路臣寮并將校口宣

有勅卿等方以林能外分寄屬當此泛寒之極永惟勞勩
之多當飭使人徃宣朕意

撫問高陽關路儀散諸軍特支銀鞋錢并傳宣

撫問臣寮口宣

有勅卿等各以選論外膺寄屬北更時序邈在邊防永懷
扞禦之勞當致拊循之意

撫問送伴大遼賀正旦人使副公路相逢賀大

遼皇太后皇帝生辰使副口宣

有勅卿等抗澶出聘擁傳還朝方春尚寒涉道良苦當加
撫勞以示眷懷

撫問雄州白溝驛賜北朝賀正旦人使御筵口

宣

有勅卿等並膺朝選實起鄰歡擁節在疆方豫崇拆之禮

馳輶喻指姑推屏俎之恩

賜大遼國賀正旦人使已下生餼口宣

有勅卿等奉將鄰聘來會歲元永懷跋涉之勞宜有餼牽之禮式昭勤遇當體誠懷

賜大遼國賀正旦人使却迴瀛州御筵口宣

有勅卿等奉將書幣既獲驩成跋涉川途固更勤勸宜頒燕行以示眷懷

賜大遼國賀正旦人使見訖就驛賜酒果口宣

有勅卿等奉將鄰聘夙駕使輶既造見於闕庭方即安於舍館宜加好賜以致誠懷

北京賜大遼賀正旦人使却迴御筵口宣

有勅卿等奉幣造朝抗禮歸國罔懷使節方次都畿特示燕私以將勤遇

雄州賜大遼賀正旦人使却迴御筵兼撫問

口宣

有勅卿等抗禮歸國總戀在疆方茲交歡亦既勤勸就頒燕衍式示眷懷

就驛賜大遼賀正旦人使却迴朝辭訖酒果

口宣

有勅卿等奉將聘禮來會誕期惟鄰好之踐脩嘉使客之飭備當申頒賚以侑燕私

賜真定府路臣寮等初冬衣襖口宣

有勅卿等水澤將眩風颯載厲永懷黎獻方寄公憂當飭使輶就頒筐服

賜召學士馮京入院口宣

有勅卿文備同華李該世務律琴既御吉服以朝宜復禁塗往供辭職

賜召滕甫入院口宣

有勅卿夙稱才敏久擅文華當解風憲之嚴以豫論思之密

新刊臨川王荆公先生文集卷之四十八

新刊臨川王荆公先生文集卷之四十九

外制

召試三墳

節度使加宣徽使制

翰林學士除三司使制

誠勵諸道轉運使經畫材利寬恤民力制

皇姪宗實可起復舊官知宗正寺制

皇姪知宗正寺宗實可岳州刺史充本州團練使

制

司馬光知制誥制

司馬光改天章閣待制制

馮京權知開封府制

范鎮加脩撰制

趙抃兼侍御史知雜事制

韓縝改殿中侍御史制

沈立李大臨宋壽隆可三司戶部度支鹽鐵判官

制三道

李壽朋陸經張洞開封府推官制三道

王侗皇子伴讀制

施昌言知渭州沈遘知杭州李允知鄧州制三道

李東之判西京留守司御史臺制

王綽可三司鞫真卿知壽州何郊知永興軍潘夙

卿桂州制四道

余靖司馬光張瓌加恩制三道

賈黯蔡襄王珪范鎮馮京余靖李東之轉官加勳

邑食邑制七道

呂公弼工部侍郎制

司馬光禮部郎中制

周沆右諫議大夫制

沈遘起居舍人制

掌禹錫趙良規並秘書監制

王綽秘書少監制

李丕緒少府監制

宋任呂公孺馬從先解宿王並太常少卿制三道
召試三道

節度使加宣徽使制

門下推轂授師擁旄秉塞控生殺之柄子外繫安危之體
于中國有顯屬宜膺寵數誕揚乎聽明示廢工具宜景學
足以通大方謀足以斷衆事有經天之業有扞城之材此
以明揚慶更煩使遂躋膺仕良副訐謨維塞路之要藩實
兵防之重寄職兩鎮無紆予顧憂蓋爵賞之加不遺於近
小豈藩維之任顧可以弭忘用是疇其展采之勞寵以宣
猷之號俟人謀之衆允匪朕志之汝私大任而者其憂不
可以不深位高者其責不可以不厚號名之美禮秩之崇

非期假寵以擅榮茲用論功而取稱矧扶守國之園謀王
之師聯輔相之籍於殿中居士民之瞻於天下其思祇慎
以副褒優可

翰林學士除三司使制

勅三司使天下之盛選也自尚書六官名存實去而三司
之職事所總居多則非夫仁明肅艾足以輔世濟物者奚
宜任此哉具官某有疏通之才有直亮之操閑言宗議足
以經綸王家尚文典策足以鼓動當世遂以人望揚于禁
林若夫施政之後先生財之本未蓋嘗深思而孰講殫見
而洽聞則君天下之盛選主朝廷之大計詢者在位孰如
汝宜夫聚天下之衆者莫如財理天下之財者莫如法守

天下之法者莫如吏維予任汝其聽勿疑法之不善者汝
得以議而更吏之不良者汝得以察而去則夫調度之不
時費出之無常邦用之不給元元困於征求而愁怨於下
者直汝之耻也夫行已有耻而後可以為士知吾左右信
任詢謀所同而觀聽之所在者乎往祗厥官其亡以寵利
而為上耻可

誠勵諸道轉運使經畫財利寬恤民力制

夫閔仁百姓而無奪其時無侵其財無耗其力使其無憾
於衣食而有以養生喪死此礼義蕪取之所與而二帝三
王誠勅百工諸侯之所先後世不可以忽者也朕夙興夜
寐聽治不怠圓游宮室之觀無所增餘而躬以節儉先天

下之士然而不忍人之政考諸先王未有以及之也凶年
飢歲民之父子夫婦猶有不得保其家室而放乎溝壑意
者吏或不良不知所以賑救省憂之方而使之至此耶今
吾別諸道置使者使得察吏之良否而視民之疾苦輒具
以言而任事者或不惟朕志之所急而以侵牟之為故甚
非所以遣使者慰安元元之意也夫轉輸天下之財以給
有司之費皆有常數而無橫求誠能御輕重歛散之權而
禁因緣之姦則何患乎經入之不足彼前世良吏能紓其
民而官事亦不耗廢者豈有他哉亦在乎勉之而已若乃
操聚斂之贏以為功而不知百姓與足之義非惟逆於朕
志而有司考績之法亦將不汝容焉朕言維服其聽毋怠可

皇姪右衛大將軍岳州團練使宗實可起復舊
官泰州防禦使知宗正寺制

勅先王糾合宗族而分職以治之所以嚴宗廟也宗廟嚴則禮俗成而天下治其事豈可以輕哉今朕選於近屬以修宗正之官亦先王治親之意也以爾具官其惠仁孝恭忠信純篤故遷厥位以稱禦侮之實而使任事焉夫士之欲施於政未有不學而能者學所以脩身也身修則無不治矣 朕言維服爾往懋哉可

度支員外郎充祕閣校理李太臨三月度支判官制

勅某天下之食貨皆賴於三司故朕常難於置使而又考慎其人以補之文與手為官而政事當有所試清明敏達可使

皇姪右衛大將軍泰州防禦使知宗正寺宗實
可岳州刺史充本州團練使制

勅孝子之思慕無窮而送終有既者先王之禮也具官某
祗慎克孝能良於喪去位家居三年於此矣其還位號復
序內朝朕命維新往欽無斁可

起居舍人直祕閣同修起居注司馬光知制誥
制

勅先王誥命之文何其雅馴而與美雖出命非有司之事
而討論潤色蓋有助焉以爾具官其操行修潔博知經術
庶乎能以所學施於訓辭俾掌贊書往諧朕志可

起居舍人直祕閣同修起居注司馬光改天章

閣待制制

勅揚雄曰周之士也貴秦之士也賤周之士也肆秦之士也拘蓋先王以禮讓爲國士之有爲有守得伸其志而在上不敢以勢加焉朕率是道以君多士以爾具官其文學行治有稱于時故明試以言使司告命而乃因執辭讓至于八九段序厥職以伸爾志是亦高選往其懋哉可

翰林侍讀學士右正言馮京改翰林學士知制誥權知開封府制

勅學士職親地顯而開封典治京師非夫忠厚仁恕而有文學政事之能孰可以任此其官其造行直方受材博敏踐更中外休顯有稱論思禁林尸正畿甸詢謀惟允其往懋哉可

范鎮加修撰制

勅昔周人藏上古之書以爲大訓而孔子春秋天子之事也蓋夫討論一代之善惡而撰次以法度之文章非夫通儒達才有識足以知先王不欺足以信後世則孰能託尚書春秋之義勒成大典而稱吾屬任之指乎以爾具官其有該通之材有純潔之操辯論深博溢於文辭論思禁林時議惟允則夫案善惡見聞之實斷是非去取之疑人之所難宜以命爾其精思熟考自勉以古之良史毋襲近世比事屬辭之失使來者無所考稽可

右司諫趙抃禮部員外郎兼侍御史知雜事制
勅某朕置御史以爲耳目非更事久而能自稱職則不以

知雜事也以尔嘗任言責有猷有爲行義之修士人所喜
故遷卽位使在此官悉其誠心迪上視聽義之與比時乃
顯哉可

屯田員外郎韓績改殿中侍御史制

勅某朕使學士五人舉二人以爲御史又於二人擇取一
人而以汝爲之汝名臣之子世載榮問愷悌忠信學知大
方無蔽于儉人無撓于大吏無迪上以非先王之典而同
乎流俗時汝稱職往其勉哉可

兵部郎中沈立可依前官充三司戶部判官制
勅某擅一道之財而開闔斂散之以給縣官之費而又察
事文士之賢不肖問民之疾苦與夫入佐三司而四方之

金部郎中朱壽隆三司鹽鐵判官制

勅某取於山海之無窮以助縣官之不給所以開闔斂散
之不可以無術也非士庶辨敏明之吏孰能任此者乎尔
純行美材久於煩使往共厥服維是勉哉可

度支員外郎李壽朋開封府推官制

勅某朕布大慶於天下惟士之有能有爲而不獲盡者豈
一日而忘哉尔以政事之材而濟之文孝無所避憚以修
厥官循于吏議夫職久矣手正歲旬四方所瞻如往佐之
以永民文可

殿中丞充集賢校理陸經開封府推官制

勅某天下無事休養生息百年於此而京師之人衆矣獨
關封以一尹治之故朕常慎擇材士以為之佐庶幾乎其
不勞而治也尔材茂實美久於涇阨而智能彌邵行義加
修姑使治煩徃其自勉可

太常博士充集閣校理張洞開封府推官
制

勅某關封任重事叢於常律才士以為之佑尔以文章學
問列職校讎出誠一州風績彌膺此遴選徃其勉哉可

左司諫王陶皇子伴讀制

勅某自天子至於士祿有不待孝而成者今朕欲進諸子
於孝求可與居者而大臣以尔為言爾久在諫工有聞於

世茲惟慎選可不勉哉可

樞密直學士施昌言知渭州制

勅夫出河崧文中嚴於禁閣臨渭以分闔外肅於戎亭進陪
侍從之聯徃膺經畧之寄茲為良大教授受惟艱具官施某
才劭兼人問望映世早據素蘊以階清途南採計庭神贊
之功可紀西廂樞府論思之効尤彰洎出總於藩條且屢
制於邊瑣事經再舉政績用成官一易餘杭之符就撫氏羌
之塞爾其坐護諸將善固吾圉而今而後無西顧之憂者
繫爾之力可不勉哉可

龍圖閣直學士知河隰學士充給事中依前龍圖
閣直學士知鄧州制

勅鄧於京西為一都會提兵以守常擇太吏且有加命寵
榮其行具官某寬和靜深方厚雀嘗嘗由御史遂為諫官
延閣侍從之班方維帥守之任始有績效見於事為序于
東省之華寄以南陽之重按撫吏士治軍牧民敷宣詔條
鎮靖風俗繫汝能力徃其勉哉可

龍圖閣直學士李東之刑部侍郎充集賢院學
士判西京留守司御史臺制

勅古之仕者難進易退陵夷至於後世而禮義廉耻幾乎
息恬於勢利者鮮矣而苟得躁進者不乏於朝教之未亨
朕甚患之顧吾左右親近之臣行義合於古之仕者宜從
其志使在位之貪者有愧而慕焉具官某名臣之子能自
修教出尚蕃維之任入為肯從之官而乃力辭顯榮退就

前別都執憲地其用務特峻秋官之秩仍通麗正之班
吾世爾嘉其性居自心可

知雜王綽吏部郎中直龍圖閣知徐州制

勅某知雜御史於朝廷之士為高選非精明疆直不能稱
其任也爾更踐多矣有聞於時故從遠方召置此位乃以
病告至于再三出臨大州進直嚴閣又增即位以寵爾行
其亦懋哉徃共厥服可

集賢校理鞠真卿可光祿寺丞依舊充集賢校

理知壽州制

勅某付之千里之地能禁暴去悍拊循鰥寡使良民有以
休息而吏不敢為侵冤豈非所謂能者哉若爾之材歷選
于朝而又試于外固時之所謂能者朕所加省而不忘今

夫壽劇郡也故徙汝以治之而循汝歲功當得遷位丞于
光祿其往勉哉可

何郊知永興軍制

勅朕初即位慎考俊又之臣付之方鎮具官某廉清質直
敦大詳敏藝文之學政事之材左右具宜以有聲績作國
西屏雍維大都鎮撫一方老成之望賴序遷厥位往牧其人
其勵猷為以膺任屬可

潘夙轉官知桂州制

勅某桂於西南為一都會蠻夷流忽錮撫有宜故於用人
常慎其選爾清明敏達寬博惠和更事有功簡在朝論遷
序即位往其勉哉可

言利者必稽焉其職事之責等爾汝以才能屢試而行義
加修使于東南歲月久矣還禪掌計之治所以慰將命之
勞惟爾博學多聞固嘗知夫百姓與足之義古人有言曰
寧其所聞則高明行其所知則光大矣可不勉哉可

太中閣待制司馬光制

勅陟降左右司朕躬之闕者至親信之臣也邦有大賚其可以後而忘乎其官某政事藝文操行之美有聞於世簡在朕心相時明禋祀事惟謹進階序爵其往懋哉可

尚書戶部郎中知制誥張瓌制

勅朕宗祀先帝以配昊天而均福釐於在位疏遠微賤無貴者矣又况於侍從之臣乎具官某德厚資深志方行繫於義命為世寶臣考慎樂禮相時大事進階序爵其往懋哉可

翰林學士知制誥賈黯轉官加勳邑制

勅朕初即位奉行先帝故事不敢有廢也具官某劉毅

爲實闕深博敏 先帝所遺以論思左右者也其遷厥位
加賜恩典其往欽哉可

翰林學士知制誥權三司使蔡襄轉官加食邑
制

勅朕 先帝之初大賚以勞天下職親地禁之臣皆
先帝所遺以助朕者也其可以後而忘哉具官某率德
秉義以綏寵祿主國大計功昭于時班命有章往欽無斁
可

翰林學士兼侍讀學士知制誥充史館修撰主
珪轉官加食邑制

先帝授天下之艱以屬朕身永惟所與濟此者豈非左右
之良哉具官某秉格迪義士民所望論思潤色有補於時
大賚之恩外通四海況於親近豈可以忘往服寵章愈其
慎哉可

翰林學士知制誥充史館修撰范鎮轉官加勳
邑制

勅朕雖哀恫永惟付託之重不敢忘 先帝寵綏海內褒
厚群臣之意具官某敦大闕博清明敏達職親地密爲國
信臣遷序位等申之恩典惟慎厥服往膺顯榮可

翰林學士知制誥權知開封府馮京轉官加勳
邑制

先帝以盛德成功克終天祿眇然在茲永念嗣訓非左右

之良執與濟此哉具心其秉哲蹈義士民所望尹正京邑
音盡流聞邦有人資當由貴始往膺榮祿無替厥脩可

集賢院學士余靖轉官加勳邑制

先帝君臨天下餘四十年功德之所及博矣非文武之士
協力中外何以致此哉在後之侗纂修成法敢忘大發以
勞衆工具官某敦大闕深清明敏達蕃屏帝室厥功茂焉
恩典寵章徃其欽服可

集賢院學士李東之轉官加勳邑制

先帝棄天下不及班命以勞群臣朕繼大統其承厥志具
官下庶靜思恕濟以詳敏能紹世美為時名臣膺服寵章
徃其思勵可

龍圖閣直學士給事中呂公弼改下節侍郎制

勅褒德序功制為祿位 先帝所以熙庶政也朕雖在疚
所不敢忘具官某保身慎行舊有榮聞陟降左右是為世
臣惠綏西南風績尤顯久官之貳其徃欽哉可

待制司馬光禮部郎中制

勅左右侍從之臣皆 先帝所遺以助其政理者也有勞
可錄朕敢忘哉具官某行義信於朝廷文亨稱於天下此
更任使會課當遷進位二等以加爾績爾方以經術入侍
而又兼諫爭之官徃其思致厥身使朕之聰明無所不通
爾亦維有無窮之聞可

周沆右諫議大夫制

勅堯舜黜陟幽明之法其詳不見於經蓋其考績之次序必始於朝廷之貴者朕率是道進退百官故於漸臣無有私德以爾具官某忠厚謹潔惠和寬博掌被方維之重任久矣侍從之要官內外之勞皆宜有賞而以稱士失實控于吏議為即武部七歲于茲著論積功進位西省夫職在盡規之地官又以諫為稱維是將明往其思勉可

右正言知制誥知越州沈道起居舍人制

勅列名侍從分職方維厥有屬勳朕其甄序具官某端良足以有守精敏足以有謀為時實臣典掌明命出撫州部治聲流聞內外之勞進遷惟允存官二等以懋厥勤是謂寵榮往其祇服可

掌禹錫趙良規並祕書監制

勅祕書圖籍藝文之府而置監在光祿衛尉諸卿之右其材實德望當有以稱之以爾具官某等歷官茲多服采惟謹序于卿位簡在朝廷宣布詔條討論典故久於任使亦各有勞宜推增秩之惠以信懋功之法往從官次無或不祇可

王綽祕書少監制

勅朕初嗣位大賜天下文武在位各以序遷具官某出入踐更名聞休顯奉常之副用勞厥勤乃辭官保以避親諱緩予孝子改貳祕書往服寵章請共無斁可

光祿少卿李丕緒少府監制

勅少府古官於朝廷之位尊顯矣其官某行義祇飭材能敏達外更器使績用每成有司以聞又當增位往膺秩物無怠厥修可

司封郎中宋任太常少卿制

勅士以序遷至於位亦崇矣非才智有以任事行義有以保身豈能致此具官某中外踐更久於郎選明習衆事見稱於特往即厥官勉之無斁可

江南西路轉運使呂公孺太常少卿制

勅某太常蕪斐與伯夷之事非夫藝實德望有以過人孰宜為之貳也爾名節之于才見稱出入踐更休有風績序遷厥位其往欽承可

職方郎中通判大原府馬仁先太常少卿制

勅某太常禮秩異於諸卿非交季入官則不得為其貳也以爾行治之美才能之敏踐更久矣且有可稱會課于朝躋登此位往來自稱惟既厥可

解州王太常少卿制

勅某今之太常蕪斐與伯夷之官非夫廣恭清明博習於禮樂則孰能為之貳也今朕考行卒勞而以爾為貳於太常維爾嘗以封禪而慶更任使雖身在外而名位亦云顯矣所以稱此者可無勉哉可

新刊臨川王荆公文集卷之五十一

外制

三司鹽鐵副使陳述古衛尉少卿制

郎丞光祿少卿制

林億司封薛永司勳郎中制二道

齊恆度支張景憲金部郎中制二道

陳述古司封郎中趙抃戶部員外郎張壽刑部郎中制二道

朱處約孫抗孫琳並祠部郎中制二道

王陶杜千能祠部張壽兵部郎中制二道

苗振職方王舉元刑部郎中制二道

王綽刑部郎中制

胡況周燮都官宋孝孫比部郎中制三道

錢暄比部王繹工部郎中制二道

李章周延雋實綱卜紳朱從道晁仲綽鄭隨並屯

田郎中制七道

杜訢屯田員外郎制

薛仲孺虞部郎中制

楚建中邢夢臣王昇張師顏晏成裕並司封員外

郎制五道

蔡抗度支員外郎制

蘇采王益柔並兵部員外郎制二道

錢公輔祠部員外郎朱延世震部鄭仲駕馬部員外郎制二道

許遵陳汝義章俞韓繹劉牧王易知並職方員外

郎制六道

謝景初何世昌陳安道晁仲約唐諲林大年並都

官員外郎制六道

胥元衡李處厚並屯田員外郎制三道

呂元規可駕部員外郎制

吳充劉敞轉官制二道

劉覺等轉員外郎制

王伯恭王允李正臣劉叔宝轉官制四道

三司鹽鐵副使陳述古衛尉少卿制

勅其考課黜陟之法雖踈逸奉嘗不信又況於近而顯者

乎具官某以才自奮能世其家出入踐更休有風績列卿之貳其往勉哉可

郭永可光祿少卿制

勅某外廷之位能至於九列者少矣具官某踐更衆職功善自昭年除歲遷以致卿位進寵一等往承惟休可

林億司封郎中制

勅某朕有官祿慶賞以序功而其施始於朝廷之近爾以藝文被選而多所踐更通籍禁中尤官闕下序遷郎位既極左曹往即寵榮愈其勵勉可

薛求司勳郎中制

勅某朕布大號在廷文武之士皆得進官一等而我閱當守者又各得以序遷爾中外踐更以才自顯膺此恩典往其勵哉可

外制

權提點成都府路刑獄齊恢度支郎中

勅某朝廷選真才臣以使諸路而察廢獄之不辜厥有庸勲朕當甄序爾才能行義士論所稱會課有司賞膺遷法往膺休顯其愈懋哉可

淮南轉運副使張景憲金部郎中制

勅某入佐三司出使諸路皆朝士大夫之高選有勞當錄其可忘哉爾行義之修才能之邵見稱當世簡在朝廷會課進官往其欽服可

三司鹽鐵副使陳述古朝奉大夫司封郎中三

司度支副使趙抃戶部員外郎加上輕重都尉

權三司戶部副使張壽朝散大夫刑部郎中制
勅某人等朕初嗣位奉行先帝故事不敢有發也具官
某等行義稱於世才能見於朝佐國大計為功多矣序選
位等其往欽哉可

朱處約祠部郎中制

勅某爾嘗為御史持論不阿出守方州稍遷使任序功增
秩邦法有常往懋厥脩以頌進選可

孫抗孫琳祠部郎中制

勅某人等都水之官發久矣朕脩之而用爾為丞爾維才
能懋達厥事有司論課當以時遷進序名曾往祇無數可

提點福建路諸州刑獄公事王陶祠部郎中制

勅某朕選賢使者清明于諸路所以待之非輕也爾政更
衆矣才美有稱備在遠方能脩其職進遷位等往念懋哉
可

推提點廣南西路刑獄杜子能祠部郎中制

勅某朕初即位群臣朝者皆增位一等有功當遷又皆得
以序進爾材請行治見稱於衆奉使于外治聲流聞會課
進官往其祇服可

三司戶部副使張壽兵部郎中制

勅某考績三歲進官一等先帝所以勵群臣也具官某
秉哲迪義有聲于時能勵厥脩以宜官政序功增位其往
欽承可

苗限職方郎中制

勅某尚書郎中序列五品其於朝廷之位亦已顯矣爾用
進擢嘗更任使積功以得在此位所居三歲宜進一官
至今而後得遷乃以爾嘗有過朕於黜陟且苟然哉自爾
取之而已往思自勉以稱朕升可

王舉元刑部郎中制

勅某蓋非其人而與其罰古之道也爾以才實外更任
使風結之邵靡人不稱而任舉有失法當坐免雖更赦令
猶稱一官以懲上報之稽而塞人言之衆庸踐厥服徒其
勉哉可

侍御史知雜事判都水監王綽刑部郎中制

勅某御史皆吾耳目之官而折百工以法刑之中者也考
其功狀在法當遷則善豈可以忘哉以爾其官其忠厚諒
直有稱於世踐更衆職皆以能聞故實之臺中位次執法
名實之善允于人言姑酌積功序進一等位亦顯矣往其
勉哉可

胡況都官郎中制

勅某爾以才行自昭于時外分將符內序郎位致勤厥職
三歲于茲稽有司法當增位進遷一等其往勉哉可

周燮都官郎中制

勅某褒善錄勤邦有常法爾以才能行義登顯朝廷序正
即位三年於此矣進遷一等以懋厥勸勵治我民乃其能

稱可

宋孝孫此部郎中制

勅其褒功錄善邦法有常爾共厥官服采惟謹久於郎選
曾課當遷愈其勉哉以稱新命可

監在京都鹽院錢暄此部郎中制

勅其古者官有職而命有數非有職不足以序群才非有
數不足以差衆功今官有品猶古之命數也命之數自一
推而工之至于九官之品自九推而上之至於一大略蓋
無以異而其詳如此不同唯其欲得賢者之在位則古今
一也爾以才能行治進序於朝午除歲授既得列於五品
久於職事法又當遷其不可謂寵榮光顯矣其思自勉以

稱吾欲得賢者在位之意哉可

三司判官充祕閣校理王繹工部郎中制

勅其三司理才之吏與館閣校文之官皆朝廷倚乂之選
也其於進秩有異數焉爾以藝文世家而祇慎謹飭久在
此位有勞當遷序于名曹其往思稱可

李章屯田郎中制

勅其優善錄勤朝廷之政爾才能行治比見推稱會考績
之法當增位序進遷一等其往懋哉可

周延雋屯田郎中制

勅其郎中五品而司田以待藝文之士爾大臣之子強學
贍辭出典一州序功當進往祇厥位其克懋哉可

職方員外郎竇綱可屯田郎中制

勅某漢明不以郎官假貴戚以出宰百里為不可以非其人今之郎選其重非漢比也而郎中序于五品其授豈可以輕哉爾以文藝起家以吏能從政序遷此位嘉寵爾勞往服訓辭勉求報稱可

職方員外郎卜仲可屯田郎中制

勅某郎中序列三等其品皆為第五非積功久次則不得至焉爾以文藝入官而濟之謹潔久於任使當得進遷茲維爾階其往祇服可

職方員外郎朱從道可屯田郎中制

勅某尚書郎選於今為重而郎中列于五品爾精敏強畏

号為才臣積功累勤以致世仕往共厥服其懋哉可

晁仲綽鄭隨可屯田郎中制

勅某郎中序列五品非久於任使有勞而無罰則罕得至焉爾以文藝起家以才能為吏稱功累善當得進遷往其懋哉思稱新命可

太常博士權御史臺推官杜諤可屯田員外郎

制

勅某尚書郎位吾所重也爾大臣之子行義修才能有譽而職事無過審官稽狀當以時遷新命維爾往祇服可

駕部員外郎薛仲孺可虞部郎中制

勅某郎中五品於朝廷為顯位爾悉心為吏才敏見稱嘗
所踐更咸有功最進遷惟允其往懋哉可

提刑楚建中可司封員外郎制

勅某朕置使者以察天下之獄其選擇甚難而視遇之其
厚序功錄善其可忘乎爾行治才能有聲於世服官惟稱
會課當遷以懋爾勞往其祇訓可

侍御史邢夢臣可司封員外郎制

勅某侍御史於御史之選為高而尚書即以司封為前列
爾才能行義嘗見推稱於有言職為一臺高選任青未久
序勞當遷在副司封愈其自勉可

都官員外郎充祕閣校理王弁可司封員外郎

制

勅某爾以藝文高第進仕朝廷廉靖謹良有稱於世校文
祕閣典事方州甄序歲勞進遷惟允往共厥服其愈懋哉
可

權梓州路提刑都官員外郎張師顏可司封員

外郎制

勅某爾修潔精敏達於從政嘗更任使皆以才稱改以一
路之庶獄寄之督察方行就事會課當遷往懋厥修以求
稱職可

度支員外郎充崇文院檢討晏成裕可司封員

外郎制

勅某爾以文藝之孝在討論之官丞于常典掌禮樂有
勞可錄其以序遷於世大家爾為能保往思淑慎無廢厥
勤可

祠部員外郎充祕閣校理蔡抗可度支員外郎
制

勅某序功錄最邦法有常惟敏厥修乃能自稱爾以校讎
之選受吾蕃屏之寄材能行治見譽於時而會課有司蕃
遷厥位官無虛授往可勉哉可

權利州路轉運使度支員外郎蘇宋可兵部員
外郎制

勅某朕欲明清于吏民而擇使以蒞之非特使之轉貨財

以贍有司而已也爾彊敏謹潔達於從政往充其選克有
成勞序進一官愈祇乃服可

三司監鐵判官度支員外郎集賢校理王益柔
可兵部員外郎制

勅某任賢使能而繼之以黜陟先王之所以治未有改此
者也爾惟賢故序于校讎之職爾惟能故列于會計之官
稽狀有司法當增位其遷一等以懋爾勞可

太常博士充集賢校理同脩起居注判三司度
支句院錢公輔可祠部員外郎制

勅某序功黜陟邦法有常爾文章博美行義純潔施於政
事又以材稱會課進遷蓋維常法往祇厥位其亦懋哉可

國子博士朱延世可虞部員外郎制

勅謀尚書虞部掌天下之山澤而脩其時禁即官職事雖廢而官名猶貴於時非歷試而有勞即不得以此位若爾之潔廉畏慎蓋知所自保矣其愈懋哉可

比部員外郎鄭伸可駕部員外郎制

勅其爾勤敏謹潔以脩厥官會課有司當得遷位司輿之副其往懋哉可

都官員外郎許遵可職方員外郎制

勅其爾進以藝文而兼通律令之學故於為吏常以才稱第課有司當得進位祇予新命厥往懋哉可

都官員外郎陳汝羲可職方員外郎制

勅其審官之法吏有勞而無罪至於二歲則遷位一等亦所以勸也爾文學政事有稱於世又更任使會課當遷往服寵章愈其思勵可

都官員外郎章俞可職方員外郎制

勅其爾以藝文之學政事之材所更滋多皆有善最三載考績法當進遷往踐厥官愈其思勉可

韓繹可職方員外郎制

勅其三歲一遷審官馭吏之常法也然非智謀忠力能舉其職事者亦何以稱此哉爾績德善之慶而以藝文自奮施於吏政強敏有聲膺此寵榮其知勉矣可

都官員外郎劉牧可職方員外郎制

勅其朕置使者以察諸路而選才士以佐之爾行義智能
比見稱述往其職事會課當遷懋勉厥勤以稱官使可

都官員外郎王易知可職方員外郎制

勅其爾久於試用常以才稱出守一州可有為美而有司
會錄當得進官往既厥心以祗子訓可

屯田員外郎謝景初可都官員外郎制

勅其周官司土三歲則稽士任進其爵祿而方今審官之
法用選爾名臣之子操行條潔文學政事有稱於時審官
序勞當以時進往踐爾位厥維懋哉可

屯田員外郎何世昌可都官員外郎制

勅其尚書之寶多廢矣而郎位尚為朝廷所重爾藝文操

行政事之材推太進遷以至於此出佐州治論功應條改
序中行往其祗服可

屯田員外郎陳安道可都官員外郎制

勅其士夫奉法循理以共厥服至於三歲而無咎罰其可
無進遷之法以慰勉之哉爾藝文起家而行義脩飾比更
器使實以才稱往服寵章愈其思勉可

屯田員外郎晁仲約可都官員外郎制

勅其保善錄勤朝廷之政爾清明敏達士類所稱典治一
州風政彌劭有司序績當得進遷往服寵章愈其思勉可

屯田員外郎唐謹可都官員外郎制

勅其爾藝文行治進有可稱為郎尚書三年於此矣職事

之最法當進遷愈其懋功以對新命可

屯田員外郎林大年可都官員外郎制

勅某士之有為者豈必慶賞而後勸哉然黜陟者勸世之通法而為天下者所不能廢也爾被文畜德從政有聲會課當遷序官一列往其勸勉膺此寵榮可

太常博士胥元衡可屯田員外郎制

勅某仕於朝廷者有勞而無罪至於三歲則遷位一等所以明有勸也爾名臣之世行義脩飭以才自當從政有稱往服寵章愈其思勉可

太常博士李慶厚可屯田員外郎制

勅某爾政事之材藝文之學潔身慎行皆以有稱試諸利

權是亦煩使序功錄最當得進遷列職南宮往其應服可

北員外郎呂元規可駕部員外郎制

勅某優善錄勤邦有常法爾護軍穉將遠漕悉心營職才諳見稱會課序遷往其祇服可

吳充轉官制

勸某士之好德樂善而無私則爵賞有不足以勸焉而爵賞固不廢乎無求之節爾文章行義政事之實士友之所服朝廷之所稱然方試爾于外以觀爾為而審官上爾歲月之勞法當遷位一等此雖不足以為爾勸而天下至公之法不可以廢者也往其懋承之哉可

劉敞轉官制

勅某褒善錄最朝廷至公為吾近臣銓法當陟具官某文章博美政事詳敏傍通道德之意躬行仁義之行久於侍從實允詢謀付以方維又能鎮撫羣序乃績進遷厥官朕命惟体尔其祇服可

劉竟等轉官外郎制

勅某官所以制祿位之事職所以叙才分之宜視職之廢率與行之失得而為其官此吾為天下立法以廢置賞誅之大躰也善持其行而無失脩其職而無廢三年於此矣不可以徒置也宜有賞焉序進一官往欽乃服可

王伯恭轉官制

勅某方今仕於朝廷者率三歲而一遷論者患其不足以勸功然日月久矣能祇慎不怠免於罪悔則亦宜有以褒嘉此朕所以使爾得遷之意也士之為義蓋有常心何必利焉然後知勸可

王允轉官制

勅某爾能誦先王之言以得祿位施於有政又以才稱丞于殿中歲月久矣博工之選儒者所宜以為爾官其往祇載可

李正巨轉官制

勅某書曰欽哉欽哉惟刑之恤哉此吾所以建審刑之職而擇取智能之士以為詳議之官爾以藝文起家又能明習法令請共厥位有伐當遷姑使序于太常而仍其覆讞

之事往為審克以稱欽恤之意可

劉叔寶轉官制

勅某士之脩身慎行宣力四方豈可以取爵祿之報哉蓋其志有以謂義當如此然而爵祿必藉行治勞烈而加為今吾序進爾官以有積功之實義不可以無報也在爾自為則欲知夫義當如此而無忘乎宥利然後可以事君往其勉哉尚有終譽可

新刊臨川王荆公先生文集卷之五十一

外制

周革轉官任洵等加勳制二道

張慎修徐師回等改官制二道

磨勘轉官制二道

明堂宗室加恩制

皇姪孫世永改隴州防禦使皇姪從古登州防

禦使皇姪曾孫令磋右千牛衛大將軍制

三道

鄭穆錢衮周豫楊南仲姚原道晏崇讓劉温並

太常博士制七道

柴餘慶國子博士制

邵元太常丞制

蔡說晁仲熙王元甫並殿中丞制三道

高應之國子博士張休太常丞范褒胡掖殿中

丞制二道

王介毛箎許懋傳頽陳舜俞句士良並祕書丞

制五道

商傳張璘王岫王佺並光祿寺丞制四道

即凡孫璘衛尉寺丞張次元並大理評事制二

道

柴元謹陳巨卿並衛尉寺丞孫琬大理寺丞制

二道

張服尹忠恕張慎言孫昱薛昌弼雷宋臣太中

舍劉郎且殿中丞制二道

方蘋高安世張湜傳充黃汾王塾並太子中舍

制三道

王申等太子中允雷宋臣太子洗馬制二道

熊本高旦孫思恭並著作佐郎制三道

王廣蕪孫覺姚闢游烈張公庠高膚敏崇大年

潘及甫阮逸並著作佐郎馬好賢大理寺

丞制八道

劉仲章施遜周同吳安操高定林宗言徐

李文卿陳仲成孫誣鄭民表韓燁吳大元

劉公臣白贄錢藻段叔獻于觀馮宗辛景

賢朱東之並大理寺丞制十八道

陳確大理寺檢法官制

魏綱石祖良蘇軾何景先何景元張璿並大理

評事制五道

許將簽書昭慶軍節度判官廳公事制

樞密院編修周革轉官制

勅某語曰前事不忘後事之師也今吾樞密之府自祖宗
以至於今不啻百年捍患持危應變之大計與夫將相論
議之臣密謀要策有補於出者皆具在此而文書冒亂濫

竊而無紀亦何以待後事乎故擇能臣使序次焉而爾以

才稱實當其任今遷爾位唯是勉哉可

屯田員外郎任迥等加勳制

勅某等朕獲休享下神而嘉與在位同其福祿爾等並由

材選列在卽位相時羣事能屬厥勤甄存有差徃其祗服

可

張慎修等改官制

勅某等事之選於吏部者多矣以貌以言而取吾皆不足
以得之此吾所以推耳目之任而付之刺舉之臣使各察
其所部而以賢才告上今爾等從政于外而為刺舉者所
稱故吾召見于庭而狹以省寺之官徃其勉思所以事君

無使爾者受不任之咎可

徐師回等改官制

勅某等詩曰不解于位民之攸墜蓋吏能夙夜不懈於其職事以無過失然後民得以服勤而有勸功樂業之意吾所以制為祿位以待天下之吏以時論其功狀而進退之凡以為民也爾等並列於朝而又於其職序遷爾位惟是勉哉可

磨勸轉官制二道

勅某等有司考爾等之代闕而揚爾等於朝廷朕親覽焉皆應樂法夫命官賦祿之事朕非輕之也維以章有德序有功名在審官則三歲而一遷亦維以閱夫職事之勞而

勉之盡力爾等勿謂名器之可計日以自取也而無報上之意焉可

二

勅某虞以九載黜陟庶官周以三歲誅賞群吏其為法異而勸沮之意同爾之積功實應遷法序進厥位維以勸能書不云乎德懋七官功懋七賞爾則善也朕何愛焉可

明堂宗室加恩制

勅某朕既肆祀於明堂而大賚以布神之福爾列名屬籍序位內朝肅維在庭克相釐事以差受寵其往懋哉可

皇姪孫左屯衛大將軍登州防禦使世承政隴州防禦使制

勅朕求惟 太祖皇帝德加於後世博矣而諸孫爵位莫有顯者甚非所以悼叙几族承宗廟之意也具官某躬率德義克承厥休方將營衛之屯而鎮兵防之任其正使號稱朕志焉可

皇姪右衛大將軍蘄州防禦使從古登州防禦使制

勅朕選於近屬以治親 唯賢與能宜在此位具官某躬率德善自昭于時以選攝事久勤不懈其迂使號而正其職服之名焉往踐寵榮愈思慎步可

皇姪曾孫太子右內率府率令 磁右千牛衛將軍制

勅某治天下自人道始而以治親為先務爾序于屬籍率履不違遷率東宮十年於此矣進踐祿次往其欽承可

鄭穆太常博士制

勅某士之著籍審管者雖在疏逖猶三歲而一遷又況以才被選有職事於禁門之內者哉嘉爾言行發聞于世膺此恩典往其欽承可

錢袞太常博士制

勅某太常古宗伯之官而博士掌其掾法增損因革皆合於事久而不失先王之禮意然後可以為能其任固已重矣今雖職廢而非文學出仕則不得以名官爾以叙進而膺此選其尚能勉以求稱哉可

集賢校理周豫太常博士餘如故制

勅某籍於審官之士雖身在外有司會其伐閱歲滿輒遷
況於以才進選而列職祕近者哉爾維峻良膺此恩典往
其祗勵以服寵榮可

楊南仲太常博士制

勅某爾文學藝能見稱於世服官惟謹克以有勞永于太
常是謂華選遷秩博士往其欽哉可

姚原道太常博士制

勅某爾以藝文出仕而才諳見稱備任遠方有勞當錄博
士之選往其欽哉可

安宗讓太常博士制

勅某爾名臣之子行義修飭能以藝文自奮而於職事有
勞序遷厥官其往祗服可

劉温太常博士制

勅某爾丞秘書三年矣故稽爾功狀秩于太常爾行義才
能有稱於世無曰官小往其欽哉可

柴餘慶國子博士制

勅某爾於為吏才敏見稱會課有司當得遷位博士之選
往其勉哉可

邵亢太常丞制

勅某古者尚賢而輕爵好藝而賤祿所以士樂盡其行而
為時用也爾列于東宮之職事三年於此矣群牧之任開

封之選皆能稱職遂佐三司其序爾功進官一等若爾之
藝文政事吾豈有愛於爵祿乎哉往懋厥修以需其後可

蔡說殿中丞制

勅某宗祀之成慶覃疏述爾久於常選下此殊恩甄序有
祭牲其祗服可

晁仲熙殿中丞制

勅某爾以謹潔能不失其世守故積功久次致位於朝往
佐一州又應迂法愈其懋勉以稱盛壽

王元甫殿中丞制

勅某吏之有籍於審官者三歲一遷所以勸勞也爾以才
滿任積課應條往服命書愈其思勉可

胡掖殿中丞制

勅某汝官在東宮而得列於朝廷之立有司奏課當以時遷天祿所以等功
所以序德朕所以命汝者每加厚矣汝所以報稱者亦可以勉哉可

王介祕書丞制

勅某朕設科以采異能之主親發策問之爾言泉阿而學問多中乎義理
其遷厥位以嘉爾之能言矣無不能有不為爾若爾之修潔有志而濟之
以明敏之才惟所施焉將器采至況於官之小豈以不稱為患也哉可

毛篋祕書丞制

勅某古人有言曰無常產而有常心者唯士為能夫所謂者不以無常產
而變易其心又侯伯於爵賞而後勸感然士之有功則爵賞加焉天下大
公之遠爾以進士起而序於士官之列出長邑之民有勞而無罪三年於

此矣其使遷秩以信太公之法朝廷之位亦加顯矣所以為王者可不勉哉可
許懋傳顏並秘書丞制

勅某爾雖任職于外而功罪之籍實在審官之府以時會課於當遷夫三
歲而序官在會之所固然材實行治不有以稱其位則孰以為非
苟得也爾以藝文自奮而由稱舉以至於此其知之矣可不勉哉可

陳舜俞秘書丞制

勅某爾以良應朕當親冊而秩以京官審官三年序
遷一等此持布司之常法爾豈所以待異能之士哉往其
勉之以俟時用可

勅某爾能著作于秘書三年矣審官稽狀當進一官惟爾
以文藝起家而以文能為邑往教新命其克勉哉可
國子監直講商專光祿寺丞制
勅某爾讀郡經而能通知其義故選於衆以教國子有司
稽任當以勞遷往照爾官愈其思懋可

高應之國子博士張行太常丞范寔殿中丞制

勅某等爾等親吾民于外而吾使有司會課于中其能有
勞以應遷法夫上之爵賞無私德惟以治人臣能舉職以
治人則可謂能報上矣各踐爾位惟時勉哉可

國子監直講商傳光祿寺丞制

勅某爾讀群經而能通知其義故選於衆以教國子有司
稽任當以勞遷往服爾官愈其思懋可

張璘光祿寺丞制

勅某爾父為吾執政之官而爾能夙夜祗飭以修其職事
可謂能世其家矣今有司會課而吾以爾冰于光祿往思
勵勉以永燕譽之終哉可

王岫光祿寺丞制

勅某詩曰維其有之是以似之以為賢者之後功臣之世非有以存之則無以似續其前人也爾以蔭藉入官而能舉其職以應有司之遷法可謂之似續其前入矣丞于光祿其往勉哉可

王佺光祿寺丞制

勅某爾大臣之家賢者之後能自策勵不墮其官序勞當遷往踐厥位無忝爾祖乃惟顯哉

奏舉人前陝州節推即凡衛尉寺丞制

勅某選於吏部者多矣非使在位者舉其類則善人豈能自進乎爾能勵厥官以多薦者丞于衛尉其愈茲修可

孫琪衛尉寺丞張次元大理評事制

勅某寺材施於一邑知效於一官至于三年而無職事之負焉不可以無報也序進一等往其懋哉可

柴元謹衛尉寺丞制

勅某商之有征久矣所以銷沮游末而勸之力本非特收其贏財佐公上之急而已也爾勤其事以有累日之功序進一官以從大雅死德不報之義爾維世族尚克勉哉可

奏舉人前梓州鄭縣主簿陳巨卿衛尉寺丞奏

舉人前權復州軍事推官孫琬大理寺丞制

勅某選於吏部者多矣非使在位者舉其類則善人豈能自進乎爾能勵厥官以多薦者丞于卿寺其愈祗修可

張服尹忠恕張慎言孫昱太子中舍制

勅某周官三歲則大計群吏之治而誅賞之故朕時憲以
為考績之法夫吏者三歲能率職礪行而無罪悔是宜有
賞序官一等以慰爾勞維爾良能宜加報稱可

薛昌弼雷宋臣太子中舍劉師旦殿中丞制

勅某審官考課之法成於先帝之時朕維奉循以昭名
器無有親疏遠近使有司一是以待之嘉尔有勞序遷一
等勉共爾位率志忘私庶乎能稱爵賞之公而終無尤於
職事可

方巖高安世張湜傳充並太子中舍制

勅某等吾於爵祿甚慎閔仁百姓甚篤爾等或專一縣或
佐一軍而皆列於御丞之籍蓋嘗有所試矣今有司序功
當得遷位吾雖甚慎爵祿而於爾等無所愛焉其勉思付
循百姓以稱吾閔仁甚篤之意可

黃汾太子中舍制

勅某吾擢天下之才而立民長伯萬家之縣又有戎馬之
任焉其稱甚難而爾能其事有勞遷秩毋廢爾成可

王勣太子中舍制

勅某爾丞于理亦既三年有職事之勞無行義之過使遷
厥位著籍外廷夫與於燕而坐於朝報禮亦云異矣往祇
乃服其可不思可

秦舉人前承典軍節度掌書記王申等太子中

允制

勅某等皆以藝文起家而久於常選才能行義數見推稱揚于朝廷各命以位性共厥服可不勉哉可

雷宋臣太子洗馬制

勅某同人專神以諱而不諱嫌名持循至今遠著為律爾以難避之諱而辭當拜之官自言冒榮有所不忍其更位號以慰孝思慎爾百為勉求極此可

熊本著作佐郎制

勅某吾歲取吏部之選者以為官監省寺之官常不啻乎有人論者患其多焉詩不云乎濟也多士文王以寧有天下者豈以士多為患哉顧其所取何如爾汝藝文政事皆

見補述往踐祿次蓋將有補於時使人視吾所取而不以為多在汝勉之而已可

高旦著作佐郎制

勅某唐虞以三考黜陟幽明而其所命或終身於一職然則其所謂陟者蓋爵服之加而已今之增位猶古之加爵服也以爾又於職事而功用應於有司之法故使增位以報焉雖考績之歲月與黜陟之方古今不同而吾所以褒勵庶工非與唐虞異意尔其毋怠思稱厥官可

國子監直講孫思恭著作佐郎制

勅某爾才能行義有超卓之譽於時故遷於眾以教國子而又寵以校讎之官有司稽察當得遷位列職東觀往其

懋哉可

奏舉人前祁州深澤縣令王廣廉著作佐郎制
勅其爾用舉者為縣又能修其職事而舉者衆多升序厥
官屬之東觀夫士之有能有為也豈必戒敕而後勉哉爾
以才稱其知自勸矣可

奏舉人編校昭文館書籍孫覺著作佐郎制

先帝置校讎之官所取皆天下望士爾惇行人學為時俊
傑治民有紀稱者衆多會課進遷往共厥服可

奏舉人姚闢著作佐郎制

勅其祕書省有著作之官所以待藝文之士爾瞻辭博學
而為更有聲甄績序材以登茲選往共職服其亦勉哉

奏舉人游烈等著作佐郎制

勅其等皆以藝文起家而久於常選才能行義數見推稱
揚于朝廷各命以位往共厥服可不勉哉可

奏舉人張公庠著作佐郎制

勅其爾嘗為令而能以材請為在勢所稱實諸京官以懋
乃績往踐祿次愈其勉哉可

高層敏崇大年並著作佐郎制

勅其爾等皆以才能序于莫府率其職事稱者衆多會課
超遷往其祇服可

潘及甫著作佐郎制

勅其等選於吏部久矣皆能以才自奮為在位者所稱藉

狀有司列官省寺往須器使無替厥修可

奏奉人阮逸著作佐郎馬好賢大理寺丞制

勅某等省寺之有丞郎其名位高下不同而於今昔為遴
選爾等從事于外以能見稱有司書勞朕所親覽各踐厥
位往惟慎哉可

直講劉仲章大理寺丞制

勅某爾方以經術教國子而有司會課當得進迁尔以通
經發于世允蹈所享尚何訓哉可

施遜大理寺丞制

勅某三歲一迁朝廷之法爾共其職事在法當迁德懋厥
修以祇朕訓可

奏奉人周同大理寺丞制

勅某爾能勤厥官以有舉者有司條奏在法宜迁使得傳
籍於審官以為大理之屬當知夫名器之不可以徒得也
往思懋勉以稱之可

吳安操大理寺丞制

勅某尔名臣之家能自修飭考論功最當以進迁往服官
成勿墮所守可

高定大理寺丞制

勅某朕布功賞之信苟有功可以中率則無擇小大遠邇
而加焉今有司條奏爾勞在法當賞往丞于理其懋厥官
可

林宗言大理寺丞制

勅其有司言爾當遷而朕視功狀如有司之言故使遷爾位一等吾嘗詔有司以時視士大夫功狀而叙進之母使自言欲夫在位知有禮讓而不以官為利也爾知之矣可不勉哉可

徐慎大理寺丞制

勅其出於世祿之家而服勤筦庫之事行不愆於法才不曠其言迂以報功徃其思勗可

李文卿大理寺丞制

勅其吏之近民者莫如令故位非高也祿非多也而吾不敢以與人尔得為之以有稱者徃施於政又以才稱實請

京官以待任使思求終譽厥惟勉哉可

奏奉人陳仲成大理寺丞制

勅其歛之為州也窮于山谷之間吏常患乎州窄而刺率者有所不知爾勤其官而稱者甚衆可謂能矣其進以為京官性懋乃成以終有譽可

張諲大理寺丞制

勅其古之爵賞与士共之雖有衆文而功突不副焉亦不可以幸而得也此吾所以閱稱率之衆而又稽歷試之勞然後命爾以丞于大理也夫去吏部之遠而有錄于審官能祇慎不懈以免于文吏之訟則雖高位尚可以循而至可不勉哉可

鄭民表韓燁大理寺丞制
勅某爾服勞州縣才諳見稱甄序厥功使丞于理往祇休
命惟既爾心可

吳太元大理寺丞制

勅某審官之法三歲一迁尔嘗有罪故使序于大理四年
而後迁以為丞賞誅黜陟吾无私焉皆尔自取也施于有
政可不勉哉可

奏奉人刘公臣白贄並大理寺丞制

勅某等今吾大吏奉非其人有坐斥廢其于奉人豈顧不
慎哉然而坐斥廢者時時有之此始求奉者不其始終以
負之尔今尔等皆以受奉故吾命以京官勉思一其始終
以無負於舉者可

因于監直講編校集賢院書籍錢藻大理寺丞
制

勅某朕設科以招方正之士而爾應其求置局以儲雋人
之材而爾充其選有司會謀當得進官若爾之諒直多聞
方且善其行以為時用往祇厥位可不勉哉可

段叔敬大理寺丞制

勅某以爾典京師之獄滿歲于此矣而未嘗有失丞于卿
位以懋爾勞維朕哀矜庶獄之有不幸爾所知也守爾常
操尚無誤哉可

奏舉人于觀大理寺丞制

勅某方今漕頻海之鹽以食東南而收其息以佐有司之急倉庾之官一失職而至於耗惡則足以匱國而傷民故稱舉能吏而待之厚賞所以勸也爾從其事能有成勞丞于理官往踐無懈可

馮翊辛景賢大理寺丞制

先帝使大吏推舉常選之士以補省寺之屬爾能脩其職事而舉者衆多率由推章命爾以位往祗厥服以稱甄升可

試大理司直兼監察御史朱東之大理寺丞制
勅某爾以幹 謹繁能奉其職事而屢爲在位者所卒歲滿序功法宜有賞理官之屬其往懋哉可

陳確 大理寺檢法官制

勅某朕制中典以刑四方非惟不失天下之姦唯以使人無犯有司而已今明試爾才之可使而後以爲屬於理官爾其知恤庶獄之不辜而求所以出之以稱朕哀矜元元之意可

魏綱大理評事制

勅某爾備孺奉常亦已久矣序進厥等以旌有勞夫三歲一遷雖厚祿可以馴而致欲爲善者亦如此矣能積智累勤而不已則亦何所不至乎在爾勉之以求爲可進也可

石祖良大理評事制

勅某士之有籍於審官者皆三歲而一遷今爾歲滿故吾

進尔位加爾祿夫祿以等功而不以志位以序德而不以
勞爾世厥家其知勉矣可

應才識兼茂明於体用科守河南府福昌縣主

簿蘇軾大理評事制

勅某尔方尚少已能博考群書而深言當世之務才能之
異志力之強亦足以觀矣其使序于大理吾將試尔從政
之才夫士之強孝贍辭必知要然後不違於道擇尔所聞
而守之以要則將無施而不稱矣可不勉哉可

何景先何景元大理評事制

勅某春秋之義以貴治賤以賢治不肖今天下人民之衆
賢者不為不多爾得列于京官其賢於人宜如何也今尔

累日之課又當其序其位亦云不賤其為賢也亦可以勉
哉可

張璠大理評事制

勅某吾推恩大臣之子爾得列於祠官能任事而有勞其
以備士官之屬尔父起於閭巷以能大其家室者豈一日
之力哉尔惟積勤累善法象而不違則豈持有慶于而宗
又將有賞于而国可

前卿貢進士許將大理評事簽書昭慶軍節度
判官廳公事制

先帝親第進士於廷而以爾為第一尔於藝文可謂能矣
所以施於政者朕將有所試而观焉天士之遇時不患元

位憲所以立往其勵勉以副東求可

新刊臨川王荆公先生文集五十一卷終

新刊臨川王荆公先生文集卷之五十二

外制

孫實大理評事制

韓鐸王任徐瑗王亮易並充節推知縣制三道

廖君玉陳周翰並奉禮郎制二道

李允恭可太常寺太樂耿允恭包文顯可並太

常寺太樂署副正制

英宗即位覃恩轉官龍圖閣學士至龍圖閣直

學士制

發運轉運提刑判官等制

卿監館職京官館職制二道

分司致仕正即以下京官等制

諸司使副至崇班內常侍帶造郡不帶造郡制
皇兄叔弟姪大將軍以下制二道

覃思社皇后賀皇后尹皇后孫姪等轉官制中
書提點堂後官制

李端卿等舊官服闋制

張德溫任迥朱輔國等舊官服闋制三道

劉辯孫公亮王忠臣張諷舊官服闋制三道

兀居中張詵張扶李安期張德淳舊官服闋制

四道

馬文德康壽舊官服闋制二道

皇姪右監門衛大將軍仲答服闋舊官制

韓琦奏親姪孫怙祕校親姪文之子晉復戶曹

制二道

胡宿奏親兄直守祕校制

司馬光親兄之子宏察抗男潛並試將作監主

簿制二道

龐籍遺表男元英屯田兀常大理寺丞孫保孫

寅孫外孫陳仲師將作監主簿制四道

田況遺表男守祕校至安太常寺太祝制

吳育遺表孫男儼休並守將作監主簿制

宋祁遺表男俊國廣國守祕書省正字孫松年

延年順年並將作監主簿制三道

崔暉遺表親孫男俞汜師道遺表第三男世文

張方遺表親男平易並守將作監主簿制
三道

呂師簡遺表次男昌宗張鑄遺表親次孫彩試

將作監主簿余良孺遺表曾孫煥張溫之

孫基張元遺表孫在至堃並將作監主簿

制五道

魏琰男火廟齋郎綿張應符男道徐仲容男公

輔李卓男元之並試將作監主簿制四道

諸州軍并轉運提刑弟姪男思澤等並試監主簿制

王孝叔通判春州兼知本州制

李執中可察推制

呂開依前充鎮南軍節度推制

富弼高願趙君厚齊景甫並縣令制四道

李壽李昌言並錄事參軍制二道

賈逵充侍衛親軍志軍副指揮使制

錢晦霸州防禦使李端懿眉州防禦使周翰嘉

州團使制三道

程崇充御前忠佐馬軍副都軍頭制

轉負制

洛權團練刺史制

劉永年知代州制

趙滋依前充侍衛親軍步軍都虞候制

孫寔大理評事制

勅某爾名臣之子能飭身慎行強學自奮而有司會課當以序遷其進一等以為士官之屬往共爾職其克懋哉可

韓鐸試大理評事充天平軍節度推官知遂州

遂寧縣制

勅某爾用薦者為令又以修治見稱試職士官予慕府字入之任其愈懋哉可

王任試大理評事充節推知縣制

勅某爾任舉者為令而能修其職以見推稱命爾以為幕府之官而又試以字人之事夫南面而聽百里豈輕也哉維能強恕以求仁然後副吾置吏為民之意可

徐瓊試大理評事充保信軍節推知梓州射洪

縣制

勅某有百里之地而人民社稷之事繫焉其任豈可以輕哉爾嘗試矣見謂辨治故又任爾以吾所重而寵以幕府之官往其勉哉無慢予訓可

王慶易試大理評事充永興軍節推知遂州青

石縣事制

勅其朕嘗命汝以苦勞之官使長百里之民而汝以喪自解今除之矣其就其官有杜與民往其思勉可

縣尉虞言玉太常寺奉禮郎制

勅其爾職在追胥之功中率故褒序爾使得列于太常之屬朝廷慶賞之如此爾其可不勉哉可

陳周始笑常寺奉禮郎制

勅其爾又於職事能負器課于朝當得遷叙奉常之屬其往欽哉可

太常寺太樂署副樂正李允恭可太常寺

太樂署太樂正太常寺攝樂正耿允恭包文顯

可並太常寺太樂署副樂正制

勅其等太常寺屬屬而久爾等聞惟爾等此皆善於修職而任職久矣其遷副正以為著正而使攝正副正往屬厥官無散其可

英宗即位置忠轉官龍圖閣學士至龍圖閣直學士制

勅求惟左右有能有為之臣昔先帝遺朕以熙衆功者也方惟大賚以勞天下其可以忘而不及哉其官其惠和敦大明允忠等列職近侍實為名臣集序有加往欽乃服可

發運轉運提州判官制

先帝享國四十餘年內外晏然堯終天祿豈非獻臣才士欣助之力哉不及班命以勞功而朕承厥志爾奉將使指久以才稱膺此寵章往其思勸可

鄉監館職制

勅朕初即位奉行先帝故事以勞天下其施及於疏遠而可以忘於近者哉其官其序于書林伐閱多矣率德迪

義有稱于時膺踐寵榮徃其思必可

京官館職制

先帝棄天下朕初即之纂修故事以勞群臣爾等序于書林皆以才選褒進有典徃其欽承可

分司致仕正郎以下京官等制

勅某等朕初嗣位敷錫庶工非特勞在事之勤亦以禮天下之賢者爾等以才出仕登序王官或就里居或分留務徃膺寵數咸懋厥修可

諸司使副至崇班內常侍帶選郡不帶選郡制

勅某等朕初即位奉行先帝故事大賚四海阻深幽遐無所不及矣又况朝廷之近臣豈可以忘哉爾等能以忠

力靖共職事進位一等徃其欽承可

皇兄叔大將軍以下制

先帝顛辰宗親德念至深厚矣在後之嗣其可以忘哉具官某躬執義行序于屬籍承休席寵亦既顯融褒進有章徃欽無斁可

皇弟姪大將軍以下制

勅某朕大賜於天下雖疏以遠無遺者矣又况於宗室之近哉爾序官內朝克有善問繩匕之慶恟於詩侯命有加徃其祇服可

覃恩昭憲杜皇后孝惠賀皇后淑德尹皇后孫

姪等轉官制

勅某等予大祭于廟祧而哀夫先后之家寢替而不章乃
詔有司博求其世爾等名在戚里序于王朝各因其官增
位一等冀以上稱神靈之意豈特慰予追遠之心可

中書提點堂後官制

勅某等朕大資于天下有政有事者皆得以序迂爾等各
以選倫備官宰旅增位一等往其欽哉可

李端鉅等舊官服闋制

勅某孝子之悲哀思慕其親豈有窮哉然喪以三年而止
者聖人之政也爾以喪致事日月既除其就故官以听新
命夫人之行莫大於孝而孝亦在乎事若能致其身而不
愆於義以辱其名然後可以為孝于此宜爾之所知也其

勉矣哉可

前太常寺太祝張德温舊官服闋制

勅某喪三年亦已久矣而人子之志無窮故欲為不善則
思貽父母惡名而終於不果不如是則不足以為人子復
爾祿次繼時勉哉終於立身可謂孝矣可

前屯田員外郎任迥舊官服闋制

勅某汝有列於朝廷而以憂去位人子之事親終矣則君
臣之義其可以忘乎天移於君而忠移於官而治然後可
以為孝往共爾服惟是勉哉可

前太常寺奉禮郎宋輔國等並舊官服闋制

勅某爾以親喪去位日月既除其來造朝復就官次終身

之孝可不勉哉可

前大理寺丞劉辨前衛尉寺丞孫公亮並舊官服闋制

勅其爾服縗去位順變當除三年之喪亦已久矣君臣之義其可廢乎趣還于朝使即舊秩勉思移孝之事以就顯親之名可

前大理寺丞王忠臣舊官服闋制

勅其御史言爾以喪釋位日月當除故吾下命書于御史以俟爾之來見爾雖舊官吾亦繼新其加勸勉求合於以孝事君之義可

前太子中舍張諷舊官服闋制

勅其喪三年天下之遵禮也爾能率禮以至終喪其來造朝復爾祿次事君之義爾實知之無違厥初是謂能孝可

前耿方負外郎元居中舊官服闋制

勅其尚書即位三等而爾方以勞序于前列乃以喪去三年于家今既禫除其還祿次維爾才美有稱於時移孝事君當知勉矣可

前太常博士張詵舊官服闋制

勅其爾去位里居三年於此既除喪矣其就故官忠以事君是為孝子爾惟知義可不勉哉可

前將作監主簿張扶舊官服闋制

勅其爾遭齊斬之喪而去位釋祥禫之服而還朝班吾命書授爾祿次孝子之事終於立身施于有官可以勉矣可

前駕部員外郎李安期前中丞張德遠並舊官服闋制

勅其礼有三年之夜者無貳事也知喪而已矣先王以為不如是不足以盡人心此吾所以歸爾于家而不敢勞以事今日月除矣故吾班命書于御史而召爾以來徃時故官勉思終孝可

前內殿崇班馬文德舊官服闋制

勅其爾執親之喪三年於此矣其班新命以復故官維孝有終爾宜思勉可

供備庫副使康琦舊官服闋制

勅其三年之喪苴麻哭泣之哀一也而亦有權制以趣時此吾獨使武吏之有籍於樞密者得終喪于家之意也爾能率禮今服既除其就故官以承新命可

皇姪右監門衛大將軍仲恭服闋舊官制

勅其送終者人子之大事也爾以喪釋位亦既三年能以礼自致而不犯詩人素冠之義於為人子亦可謂孝矣还就祿次帥初無違可

同中書門下平章事韓琦奏親姪孫恬守祕校

同中書門下平章事曾公亮親男孝純將監

主簿姪孫謀試祕校樞密使張昇奏親孫男戒

守祕校恭知政事歐陽脩奏男辨太常寺六祝

恭知政事趙鼎奏孫男尤緒太常寺六祝樞密

副使吳奎奏長男璟守太常寺六祝次男汝試

祕校制

勅其朕受純嘏於神靈而布之在位其官顯者得任其子弟以及孫由爾生大臣之家是為賢者之類往保祿秩可無異哉可

同中書門下平章事韓琦奏親姪女之子曹復
真定府戶曹制

勅其維名與器朕未嘗輒以假人爾緣大臣相祀之恩遂階一命之寵出而從仕可不勉哉可

樞密副使胡宿奏親兄宜守祕校制

勅其宗祀之恩仕之顯者皆得觀其親族爾躬率善行而有弟為吾政事之臣往服寵榮懋修無數可

天章閣待制司馬光親元之子安試將作

監主簿

先帝有大慶推恩群臣子弟而爾有叔父實為近臣往即厥官無墮世祿可

廣南東路轉運使祕閣校理蔡抗男潛謾將作

監主簿制

勅其將漕遠方者皆得官其子弟爾父以才自奮有顯於時往懋厥修以綏世祿可

故贈司空兼侍中龐籍遺表男太常博士元英
可屯田員外郎制

勅其等爾考有庸先朝致位將相歸安第室而以壽終爾等服采于時實能嗣訓並膺恩典其往勉哉可

雍籍遺表男內殿崇班元常大理寺丞制

勅某士之文武異用久矣爾世以儒學顯而有官籍於內朝從爾父之遺言而以丞于大理往惟嗣訓乃克保家可

龐籍遺表孫保孫寅孫並將作監主簿制

勅某爾祖嘗為將相佐佑帝室朕哀其亡也故序爾於工官夫大臣之家能久而不失其世者鮮矣往承厥慶可不勉哉可

龐籍外孫陳仲師試將作監主簿制

勅某朕命爾以試工官之屬者特以爾之外祖常為將相於先朝而已然士之由保任而後能自奮以至休顯者多矣往踐爾次可無勉哉可

太子少傅致仕由況遺表男守祕校至安太常寺太祝制

勅某儒哲之輔有勞於時福祿既成而爾嗣厥後於其將死以爾為言膺此宏章宜知勉矣可

故資政殿大率士知河南府具育遺表孫男儼休並守將作監主簿制

勅某等朕所以顧恤大臣之家而序錄其子孫未嘗有愛馬况如尔祖賢明諒直有補於世朕常思而不忘者乎其各加爾一命以為工官之屬詩曰夙興夜寐無忝爾所生往其勉哉可以為孝矣可

翰林學士承旨宋祁遺表男俊國廣國守祕書

省正守令持服

勅某等爾考承密命于翰林而不幸至於大故眷懷舊德甄序尔官往其有成祗服予采可

宋祁遺表孫松年延年願年並守將作監主簿制

勅某等貴臣之世賢者之後朕所不能忘也故尔等皆在冲幼而列于工官茲所以佑序尔家亦云至矣爾所以保其祿位可不勉哉可

刑部侍郎致仕崔嶧遺表親孫男俞將作監主簿制

勅某爾祖宰服高位考終于家以尔為言朕其甄序工官

之屬往矣懋哉可

戶部郎中直龍圖閣知明州范師道遺表第三男世文守將作監主簿制

勅某尔父嘗以才選列官于朝出臨一州奄至大故錫尔一命爾其勉哉可

光祿卿直龍圖閣張旨遺表親男平易守將作監主簿制

勅某朕惟尔父致位九卿服勞于官為日久矣故命尔以工官之屬以稱其將死之言尔其思尔父之顧厥家與朕心之哀爾父夙興夜寐无或弗欽可

光祿少卿知單州吕師簡遺表次男昌宗試將

作監主簿制

勅某爾父且死而為尔求官故以尔試于工官之屬夫推恩既往覃及子孫吾所以待人臣者有常法矣修敕自奮而以保祿位者尔所以為入子也可不勉哉可

故光祿卿致仕張璠遺表親次孫彩試將作監主簿制

勅某爾祖以九卿歸第而遺奏以尔為言顧哀舊臣而官使其子孫此先王使仕者世祿之意而吾之所不志也其使試于工官之屬以稱爾祖之志焉詩曰無念爾祖聿修厥德尔方就孝可不勉哉可

司農卿致仕余良孺遺表曾孫渙試將作監主

簿制

勅某爾之曾祖仕至九卿退處于家考終厥命推恩及爾以試工官往慎猷為且膺器使可

故光祿卿致仕張温之孫基試將作監主簿制
勅某尔祖嘗為待從之臣而有公忠之節今其亡矣秩爾以官能善似之乃其無悔可

客省使眉州防禦使張元遺表孫在至輩並將作監主簿制

勅某尔祖起於文吏而能以才武致力於封疆并患之功書在王府今其亡矣故各命爾一官往懋尔成毋忘爾祖之勤於国可

司農卿致仕魏瑛男太廟齋郎紆守將作監主簿制

勅其尔世載榮祿而父以九卿去位推恩改命序位工官維恪慎可以保家徃其勉矣可

虞部員外郎致仕張應符男邁試將作監主簿制

勅其少盡其力至於老則養之不可以不終使之免農而為士則祿之不可以不世此先王不忍人之政而吾未能逮也今爾父去位而命尔一官使得世其祿以終尔父之養焉此亦庶幾有合乎先王之政尔惟忠惟孝尚稱吾命爾之意哉可

職方員外郎致仕徐仲容男公輔試將作監主簿制

勅其爾父辭祿而為尔請命于朝傳曰君子之善也長故善也及子孫此吾命尔以一官之意也經曰事親孝故忠可移於君居家理故汜可移於官尔其念此以自勉哉可

虞部員外郎致仕李卓男元之試將作監主簿制

勅其尔父積勤序于郎位老而致一錄尔一官思世厥家徃其無怠可

諸州軍并轉運提刑弟姪男恩澤等並試監主

簿制

勅其朕始嗣位推恩宇內爾執方貢以來造朝加賜一官
往惟祗服可

王孝叔充春州軍事推官通判春州兼知本州
制

勅其南方荒遠之州吏多憚往而爾請行焉故優爾祿賜
而以勸賞隨其後往其勉矣思又我民可

縣尉李執中可察推制

勅其先王之政荒則緩刑至於疆不忌死而傷吾良民則
去之亦不可以不急此朕所以嚴追胥之令信購賞之科
不以歲凶多暴之時而為之廢格爾能除盜實幸其官遷

以懋功往祗乃服可

呂開權淄州軍事推官依前充鎮南軍節度推
官制

勅其爾有除盜之功故賞以一邑而序官于大府辭而有
請以便爾私吾用不違往其祗服可

蘇州長洲縣尉富翱潤州丹徒縣令制

勅其朕布爵賞之令以待吏之有勞爾能奉其官以除盜
賊遷以為令使之牧民又將試爾為政之才非特示朕報
功之信可

晉州襄陵縣尉葛頤卑州武成縣令制

勅其爾職在追胥而能上功中率昇之一縣以懋爾能夫

為令之所事則不特追胥而已必也使人無盜是乃能稱其官可

杭州於潛縣令趙君序統州玉成縣令制

勅其予嘉尔之有功於追胥也故畀爾邑於東南又從爾父之請焉而移爾於甌吾於用賞而顧恤爾私亦云備矣則爾之施於有政可不勉哉可

信州鉉山縣尉齊景甫杭州餘杭縣令制

勅其爾追胥有功遷令一邑百里之人視爾以為休戚矣施於政事可不勉哉可

單州成武縣令李彙注陰軍錄事參軍制

勅其爾修其官能中賞率有司會謀予懋爾功俞其勉哉

以涖厥事可

潞州屯留縣尉李昌言徐州錄事參軍制

勅其爾能捕盜當得賞官遷督一州之郵其思稱厥職可

殿前都虞候利州觀察使賈遠依前官充侍衛

親軍步軍副指揮使制

勅朕有貔虎熊羆之士以衛中國而制四夷考求其人以副統督其官其父更任使才武有稱打城之勞宿衛之最簡于先帝以暨朕躬思懋厥修往膺休顯可

衛州防禦使錢晦霸州防禦使制

勅朕初即位奉行先帝故事以勞天下雖踈凡遠無遺矣又況於朝廷之顯者哉其忠勞奕世簡在帝室能

勸厥德自昭于時膺此寵章愈其勉可

東上閣門使陵州團練使李端慤眉州防禦使制

勅朕初嗣位奉行故事以勞天下具官某清明敏達和慎祇修奉侍先帝陟降左右厥勤茂矣其可忘哉膺服寵榮往欽乃服可

捧日左廂都指揮使嘉州團練使周翰制

先帝棄天下朕初嗣位未惟武力忠勞之士為國禦侮其功多矣豈可以忘哉具官某部督有方踐修無過營衛之最簡于朝廷膺此寵章愈其奮厲可

天武左第三軍都指揮使封州刺史程榮可蒙

州刺史充御前忠佐馬步軍副都軍頭制

勅其等能龍之士為國爪牙均其逸勤率用成法爾等忠

勞之實簡在朝廷遷序有差往惟欽服可

轉負制

先帝遠朕熊羆之士以蕃帝室所使統督豈可以非其人哉爾等以扞城之材共禁衛之服忠勞武力皆有可稱各以序遷往欽無懈可

落權團練刺史制

勅其等忘勞之士武力之臣贊衛帝室其功多矣厥序厥位以均逸勤爾等部督有方踐修無過兵權有刺遷進有差往膺寵榮懋建勲績可

單州團練使劉永年可齊州防禦使知代州制

勅代地邊要吾所重常擇將以守之以爾具官某武力智

謀濟以馴謹踐更中外皆有可稱故進使號往共厥服禦
海之實爾其勉哉可

捧日天武四廂都指揮使端州防禦使趙滋可
依前充侍衛親軍步軍都虞候制

勅營衛之士皆天下武力之高選也所使虞度軍中之事
者豈可以非其人哉具管某等造行謹良致位休顯勲勞
之實簡在朕心各以序遷往惟祗服可

蘇州府知府先生文集卷之五十二終

